

DISSERTATIO INAUGURALIS MEDICA
DE
**MATHESEOS IN MEDICINA
AC PRAESERTIM PRACTICA
VTILITATE**

QVAM

PRAESIDE SUMMO NUMINE

IVSSV ET AVCTORITATE INCLYTI MEDICORVM
IN ACADEMIA IVLIA ORDINIS

PRO OBTINENDIS DOCTORIS

IN MEDICINA HONORIBVS

PVBLICAE ERVDITORVM DISQVISITIONI

PROPONIT

IO. GERARDVS WAGNERVS

HELMSTADIENSIS

DISPVTABITVR IN IVLEO MAIORI

A. D. XX. SEPTEMBRIS cldccxxxi

HELMSTADII

STANNO BVCHHOETZIANO.

STEIGERTHAL,

Magnæ Britanniae Regis Consiliarius & Archiater, D.
ac Prof. Medicinæ in acad. Iulia P. O. honorarius.

*Orat. de Matheseos & Philosophiæ naturalis Viilitate
in arte Medica.*

Medicus certe, vt cum HIPPOCRATE loquar, quod ignorat, id falsum in arte esse non arbitretur. Anne Mathesis propterea negligenda venit? quia iam necessaria quamplurima, eaque a Mathematicis quondam inuenta & demonstrata, nunc apud omnes in communi vtu prostant, & sine matheseos peritia exercentur? Iam plurima sine vlllo iudicio elaborat artifex, geometra mensurat, nauta gubernat, mercator numerat, faber lignarius dedolat, metallurgi operantur, quæ per traditionem ex vfu magistri posteritas addidit, & optime, quamuis sine ratione, postea exsequitur. Verum, si praxes has penitus paulo & exactius singulas inspicimus, eæ omnes non nisi Mathematicorum vel Matheseos inuenta & producta sunt. In fodinis metallicis, quam varios ingenii sui fœtus & elegantes machinas excogitauerint Mathematici, non ignotum est, & has iam agaso aut mercenarius rudis gubernat. Quis hunc autem prudentibus viris præferet? quod solus iam efficiat, vt urnæ sponte descendant, vt operariorum labores in fodinis paulisper expectent, postea sese iterum in altum recipiant, & vltimo eiiciant quidquid sibi antea fuit concreditum. Ita alia machina hydraulica, vel vento vel flumine rectore, aquam ex imis terræ penatralibus haurit, exugit, euehit & effundit, æque ac si mechanicus diuersis operariis hosce labores iniunxisset & præcepisset. Empiricus iam idiota curam, quam semel optimo cum successu institutam vidit, sine iudicio imitatur - & interdum feliciter. &c.

VIRIS

*ILLVSTRIBVS, MAGNIFICIS, GENE-
ROSISSIMIS, NOBILISSIMIS, CONSVL-
TISSIMIS, PRVDENTISSI-
MISQVE,*

INCLYTAE

S. ROM. IMP. LIB. CIVITATIS
LVBECENSIS

DN. CONSVLIBVS,

DN. SYNDICIS,

DN. SENATORIBVS,

*MOECENATIBVS MAGNIS
EXQVISITISSIMOQVE HONORIS CVLTV*

PROSEQVENDIS

SALVTEM FELICITATEMQVE

PERENNEM;



SImirum VOBIS videatur, hominem peregrinum his VOBIS obstrepere fuisse ausum, & negotia, quæ cura cumulatissima pro inclytæ Reipublicæ VESTRÆ commodis, VOBIS pariunt, turbare; rogo nolitis gravius quidquam ante statuere, quam omnem huius instituti mei rationem habeatis perspectam. VESTRA siquidem quam pro publica salute geritis cura, quaque adeo faustum vitæ genus illis largimini, quibus VESTRA sub ditione teneri contigit, illud est, quod primum me ad oras VESTRAS allexit, quodque illustribus adeo exemplis me commonefecit, cum iactis pro ingenii modulo medicinæ fundamentis eandem alicubi locorum exercere animo sederet, VESTRA civitate nihil suavius esse, nihil commendabilius. Et quemadmodum hoc mihi nomine inclyta urbs
VE.

*VESTR*A dudum erat gratissima; licet nunquam antea visa: ita non poteram, quin pro felici augurio haberem, quod mihi præter spem expectationemque meam superiori hieme, quum proximo vere iter Lubecam in animo iam haberem, opportuna admodum eius ante visenda occasio fuerit oblata. Quo tempore non solum fiebat, ut mirifice mihi placeret legibus adeo præclaris ac salutaribus regi solita ciuitas amœnissima; sed ut etiam consilia nostra probarentur amicis ac fautoribus, quos fortuna paullo ante in academia Iulia erat largita. Quid? quod de nouo mihi fuerint adiunctæ voluntates virorum optimorum nobilissimorumque, æque ut illi, data quavis occasione, re factoque declarantium, se velle memet sue voluntatis, seu beneuolentia potius ac fauoris, argumentis, esse quam cumulatissimum. Nihil iam supererat, in quo mihi satisfacere possem, quam ut primo quoque tempore in *VESTRAM* memet beneuolentiam insinuandi occasionem requirerem. Hanc mihi videbar nactus, quum de Matheseos in Medicina, ac præsertim practica, utilitate, dissertationem publici iuris facere apud animum

constituissem. Illam igitur Illustribus, Magnificis, Generosissimis, Nobilissimis, Consultissimis, Prudentissimisque VESTRIS NOMINIBVS, obseruanter obfero, dico, nuncupo, hoc enixe, & qua par est obseruantia, orans rogansque, velit cum illa simul in VESTRVM fauorem beneuolentiamque summam suscipere eius auctorem, eo iam nomine ad Vos commigrantem, ut academicorum suorum laborum fructus, cum in publicam salutem, tum in semetipsum redundent. Quibus si precibus meis annueritis, nullum est tam arctum obligationis vinculum, quo me VOBIS teneri non publice profitear solum, sed gaudeam quoque. Ego, quod in me est, non desinam interea summo Numini pro incolumitate VESTRA supplex fieri, ut VOS quouis animi corporisque bonorum genere iubeat esse quam abundantissimos.

Illustrium, Magnificorum, Generosissimorum, Nobilissimorum, Consultissimorum, Prudentissimorumque NOMINVM VESTRO. RVM

cultor obseruantissimus

IO. GER. WAGNER.



Q. B. V.

I.

QVO propiora suis natalibus quolibet contemplamur eruditionis genera, eo arctiori sibi inuicem vinculo copulata eadem perspicimus. Philosophia nobile nomen diuinarum humanarumque rerum complectebatur studia, nec separatis magnopere distinctisque nominibus qui ad illa incumbebant erant insigniti. Non Physicus illa ætate seorsim, non Medicus (1) Mathematicus, Astronomus, Mechanicus, ne plures commemorem. Philosophus THALES, PYTHAGORAS, PLATO. Verum, Antiquissimis temporibus omnia eruditionis genera Philosophia nomine fuisse coniuncta, non solum apud Græcos,

(1) CELSVS in Prefat. lib. 1. Post eos, inquit, de quibus retuli, (puta Machaona, Podalirium &c.) nulli clari viri medicinam exercuerunt, donec maiori studio litterarum disciplina agitari cepit &c. primoque medicina scientia sapientia (h. e. Philosophia) pars habebatur, ut & morborum curatio, & rerum natura contemplatio, sub tisdem auctoribus nata sit &c. Ideoque multos ex sapientia Professoribus peritos eius fuisse accepimus, clarissimos vero ex his Pythagoram, Empedoclem & Democritum. Huius autem (ut quidam crediderunt) discipulus, Hippocrates Coss, primus quidem ex omnibus memoria dignis ab studio sapientia hanc disciplinam separauit &c.

sed anti-
quiores
etiam eru-
ditos,
Aegyptios

Indosque.

annon eo ipso Physici, Mathematici, Theologi, Iureconfulti seu legumlatores iidem fuere? ut proinde primos huiusmodi eruditionis assertores omnem eruditionis partem attigisse, felicique easdem connubio sociasse, certo sensu dictum in dubitationem aduocari nequeat (2). Par est eruditionis ratio si longius progrediamur, illasque gentes lustremus ad quas Græcorum philosophi eruditionis causa sunt profecti. Penes Aegyptios Sacerdotes Theologiam, Physicam, Mathesin, colebant iunctis studiis. Ac si postmodum illud diuisis muneribus factum monumenta fidem faciant, hoc saltem factum crediderim fuisse illa ratione, ut posita prius vniuersali cognitione omnis inuicem connexæ eruditionis, postea ad singularum partium perfectionem seorsim pergeretur. Quid Indorum, POLYCYSERO nostro (3) τῷ πρῶτῳ ἐν ἀγίῳ iudice, omnibus reliquis antiquiores Philosophi? illi nonne de Deo, Mundo & elementis

(2) Vid. STANLEIVM in *Hist. Philosophica*, illis, quibus de his agit, locis, ubi de illorum eruditione in Physicis, Mathematicis, Politicis, Medicis, Theologicis &c. peculiaribus capitibus explicat.

(3) Vid. ejus eruditam *dissertationem de origine eruditionis non ad Iudeos sed ad Indos referenda*, Vitemberge anno 1716 cccxvi editam, quæ, ut digna tanto tamque diffuse eruditionis homine conscripta est ratione, ita non potuit quin lecta relectaque nos in suas plane alliceret partes. Idque adhuc fortiori factum ratione, ubi ex auctione bibliothecæ instructissimæ viri πολυμαθῆσιν ad manus meas pervenere αὐτογραφα tum litterarum quibus de hac questione cum eruditis per litteras disputavit, tum præsertim cogitationum pro ulteriori deductione dissertationis suæ de Origine eruditionis non ad Iudeos sed ad Indos referenda, ac denique ipsum exemplar dissertationis, manu auctoris pluribus in locis notatum, animadversionibusque illustratum. Credidi ego tunc temporis me non lusurum operam, si in proprios pro historię philosophicę cognitione usus, quæ in his schediasmatibus essent, ad suum quemque locum in dissertatione cuius modo mentionem iniicimus, referrem, qualia supplementa

mentis sermones habuerunt? solis lunæque eclipses eruerunt? Meteorologicas prædictiones ad miraculum habuerunt? cuius rei documenta ex STRABONE, PHILOSTRATO, aliisque auctoribus, (quantum temporis iniuriæ nobis ex iis fecerunt reliquum) ordine collecta, exhibebimus in *Historia, Physices faciem a mundi primordiis ad nostram usque ætatem delineante*, haud ita multo post D. v. ad umbilicum perducenda publicique iuris facienda. Quæ omnia antiquissimorum philosophorum aliquot exemplis declarant, præcipua eruditionis genera laudabili instituto sibi inuicem iuncta fuisse atque copulata. Scilicet, inquires, illa ætate magis licebat vniuersum eruditionis ambitum menti tenere infixum quam quidem nostra, qua & amplificata sunt vetusta doctrinæ genera, & noua insuper accesserunt. Est hoc omnino eiusmodi vt plane posthaberi nequeat. At, si præter hunc antiquorum philosophorum morem vera documenta huius nexus desideremus, nã illa etiam non desunt, imo verendum est ne spatium me citius deficiat, quam scribendi materies, si hoc loco vel illa solum excutere breuissimis sustinerem, quæ viri doctissimi passim de multiplici eruditionis inter se nexu litterarum monumentis consignarunt. Habebit tamen certe hæc moris veterum philosophorum contemplatio, cum dulce sit maiores sequi recte si præcesserint, illud vtilitatis, vt illas saltèm artes quæ propiori inter se nexu cohærent, quæque sua sibimetinuicem se commendat vtilitate, non nisi ar-

studia literarum laudabiliter connectentes, Obi.

Resp.

Quid hæc consideratio nexus studiorum apud veteres nobis præstet vtilitatis?

A 2

ctissime

plementa Notas adpellamus, vnde sub manibus natum schediasma haud paruum, quod Præfatione a nobis auctum, euulgationi (cum præsertim ipsius dissertationis exemplaria in bibliopoliis deesse incipiant) paratum in seriniis nostris delitescit sub titulo, POLYC. LEYSERI J. Med. & Phil. D. *Historiarum & Poes. in acad. Julia dum viueret P. O. cel. de Origine eruditionis ad Indos præ reliquis gentibus referenda, liber, multa ad eruditionis inter gentes antiquissimas origines facientia continens, ex autographis Auctoris, vt pluribus indicabit adiectum Prooemium, adornauit J. G. W.*

ctissime velimus esse coniunctas. Si præsertim illæ humanæ vitæ commodis multum inseruiant. Huiusmodi vero, si quæ umquam, sane sunt Matheseos ac Medicinæ studia. (4) *Medicina*

- (4) Alia ex parte illis qui de Matheseos & Medicinæ cognitione dubitare possent occurrit, Experientissimus STEIGERTHALIVS, l. c. De Mathesi autem, inquiens, & Medicina coniungendis forte quis ambiget, & antipodum vitam ac mores cum nostris me facilius, quam Matheseos & Medicinæ studia conciliaturum arbitrabitur, Mathesis enim principiis fundatur firmis, stabilibus; Medicina conjecturis fulcitur dubiis, experimentis sustinetur periculosis & in indagandis morborum causis & in prognosi & in cura non raro fallit. Mathesis omnia clara & distincta peruidet ac disponit, Medicina in potissimis caligat ac cecidit. Mathesis a principiis veris incipit & deinceps methodo synthetica progreditur, in medicina primum experientia inuenta, dein ratio inquisita & superstructa est. Verum uti Mathesis sapissime in resoluendis propositionibus methodo utitur analytica, & deinde regulas, quid in praxi efficiendum tradit & edocet; ita medicina quoque, quidquid ex certis experimentis primo collegit, illud deinceps in usum vertit, & eodem modo, ut mathematicus sua demonstratione, ita Medicus ratiociniis suis, finem suum consequitur & optatum ut plurimum effectum adipiscitur. Nec Mathematici præterea in omnibus adeo distinctam & claram cognitionem habent, quin aliquid haberit. Nemo umquam, licet tot approximationum mediis instructus exactam Circuli, Ellipseos aut Hyperbolæ quadraturam hæctenus detexit, aut saltem, quod plane inueniri nequeat, solide demonstravit & c. fit denique ars conjecturalis, illorum tamen pharmacorum, quæcumque certa & constans experientia demonstravit, æque certum effectum fortietur, modo vires agrorum humoribus corrigendis simul & semper suffecerint. Nec Mathematicus etiam, si quid in non idoneo subiecto elaborandum assumerit, eundem in praxi successum reperiet quem sibi antea demonstratum proposuit. Nullum punctum in terra formabitur, cuius pars nulla est. Nullus circulus in leuigatissimo quoque plano radios omnes habebit æquales. Nec linea umquam sine latitudine & profunditate ducetur. Ita quoque credendum est, si in Medicina quid erratum, non artem ipsam, sed hominum coniecturam peccasse. Quæ, licet adscripta fuerint prolixiora, tamen quoniam multa amoliantur dubia, quæ contra thesin nostram formari potuissent, illa inprimis adscriptu digna non potuimus non iudicare, idque eo magis quod a viro profecta, quem an peritiorem medicum an peritiorem mathematicum dicas utique ignores.

cina nihil est aliud quam pars Naturalis doctrina. Hæc considerationem humani corporis sani e physicis repetit, & ad summam *αριβειαν* perducere laborat. Eo hoc facit animo, vt adcuratio-
rem contrarii status, siue morbi, nanciscatur cognitionem, vtque
hac acquisita certiorẽ viam inueniendorum adplicandorum-
que medicamentorum queat ingredi. Hoc nomine partem
Physices Physico velut sublatam & ad illum non plane pertinen-
tem (quoniam illa etiam speculatur quæ contra naturam sunt)
Medicus sibi sumit excolendam, conditque Anthropologiam
medicam. Iam vero, cum stricte dicta Physice, non hac so-
lum in parte sed omnibus fere aliis ad solidiorem eruditionem
adquirendam Mathematicis indigeat, (quod viri doctissimi du-
dum demonstrarunt (5)) Medicina vero physices sit vltius per-
fecta suboles; inde a priori, vt aiunt philosophi, iam pateret;
arctam Medicinæ cum mathesi cognationem intercedere (6).

nexu co-
hærent.

Physice
autem &
Mathesis
certo co-
pulantur
vinculo,
ergo & Me-
dicina.

A 3

Quæ,

(5) Vid. Cl. FROBESII fautoris & amici mei æstumatissimi *dissertationes*
doctiss. de Præstantia Matheseos in Philosophia naturali, quæ simul
indicis loco esse possunt præcipuorum scriptorum qui hiatromathe-
maticorum verum nomen promerentur. Adde huic eruditissimam
Cel. Archiatri STEIGERTHALII *Orationem de Matheseos & Phi-*
losophia utilitate in Medicina.

(6) Egredia prorsus in hanc sententiam sunt verba cel. WOLFFII defi-
nitioni Pathologiæ physicæ addita ad §. 84. *discurs. Preliminaris*,
dum, nil obstat, inquit, quo minus Physicus Pathologiam Physicam sub
Physiologia complectatur. Sanitas enim & morbus sunt duo huma-
ni corporis status quorum rationem reddere debet Physicus. Ratio
autem petitur utriusque status ex structura humani corporis, adscitis
caussis externis, quatenus per eas alius determinatur eorum, quæ per
corporis structuram atque naturam fieri possunt. Si quis tamen Phy-
siologiam a Pathologia, more Medicorum distinguere velit, non
improbamus, modo in rerum pertractatione non perfunctoria adhibea-
tur opera. Est hoc eiusmodi, quod magni semper medici probe
perspexerunt factu fore vtilissimum, cultores seduli cordatique
fieri

Auctore
Cel. HEI-
STERO
huius ar-
gum. tra-
ctationem
susceptam
potissi-
mum esse,
docetur.

Quæ cum adeo illustribus rerum documentis stabiliantur, nihil fere est quod ad innumera benevolentia in me suæ argumenta adiungere poterat, quem venerationis ergo nomino celeberrimus Præceptor meus, L. HEISTERVS, quam cum mihi, dissertationem inauguralem more maiorum conscripturo, auctor esset, præ reliquis scribendi argumentis hoc nostrum nobilitate sua satis conspicuum eligere, nihil magis in votis habentes, quam vt ne opellæ nostræ expectationem tanti Viri frustrentur.

II.

Quid
vocalibus
Vtilitatis,

De Matheſeos igitur in Medicina vtilitate ac præstantia dicturi, quam vtriusque vocis vim esse velimus, primo merito declaramus loco. Vtilem scientiam alteri doctrinæ generi dicimus, si ex eius ad alteram adplicatione maior huius emergat perfectio. Sic, vbi de Matheſeos in Medicina vtilitate commentamur, nobis propositum est demonstrare, Medicum mathematicis imbutum artibus longe clariori certiorque ratione actiones humani corporis naturales primo & dein præternaturales cognoscere, & his rite cognitis medicinam facere valere, quam quidem illum, qui ad medicas artes plane *αγαμετρητος* accedit (7). Quemadmodum vero omnino non præmittendum

fieri peroptarunt. Quo laudabilior est opera, quam in hanc rem a se adhibitam iri Cl. SCHREIBERVS *Elementorum Medicinæ Physico Mathematicorum Tom. I p. 118. sq.* spem fecit, idque serio precamur, vtne morborum vel causæ nimis haud raro absconditæ, vel incerte sedes eorundem ipsi nimium quantum tædii laborisque pariant in Pathologia præstantissima hac methodo concinnanda cumque Physiologia perpetuo noxu coniungenda. Crediderim certe Cel. nostræ ætatis Philosophum & Mathematicum *Wolffsum* iam subolsfecisse quantis hæc res prematur molestiis, neque, nisi sagacissime, pro more suo, limitasse antedicta, subiiciendo, *si quis tamen Physiologiam ac Pathologiam more medicorum distinguere velit, non improbamus &c.*

- (7) Hæc res, licet verissima sit dictu, tantum tamen abest, vt illam honori

dum videtur, nobis *Medicinae* voce venire scientiam praesentem hu-
mani corporis sanitatem conseruandi & amissam restituendi, ita cum
mathe-

nori magnorum in arte medica hominum (siue illi in viuis sint, siue iam viuus excesserint,) velim detrahere, vt potius me illorum merita summo loco habere atque venerari publice tester. Neque enim in ea sum opinione, omnes illos *αγαμέτρητες* fuisse aut *αμύχανες*, qui ad mathematicen data seorsim opera non incubuerunt. Quis enim sanus sibi persuadebit? defuisse inter illos, praecipue si bonis vsi sint praceptoribus, aut deesse, qui mechanice de actionibus corporis tam sani quam aegri iudicarent iudicentue, sintque adeo, praeterquam quod ipsimet se tales profiteantur, mathematici. (De qua re infra, thesi penultima a nobis pluribus explicabitur, vbi demonstrare est animus, Medicos bonos, qui mathematici non sunt, imo qui in *ιατρομαθηματικῆς* acerbe saepius inuehuntur, mathematice tamen sanare & curare, quando boni quid efficiunt.) Vt enim illi homines qui matheseos elementa prima posteritati tradiderunt, non potuerunt alio, praeter sanam rationem magistro, vsi esse; ita nemo dubitabit, si rem aequa iudicii lance expendat, potuisse plurimos ex his *μαθηματικούς*, (h. e. solide, & ex certis principiis a structura corporis humani desumptis) in via curandorum morborum incedere. Fuerunt hi itaque, & sunt veri medici mechanici, aut mathematici. Et sane, si quod verum est dissimulare nolumus, in alteram partem non raro peccant, illi homines qui, dum nimium fermocinationibus atque conclusionibus *ατεχνούς* in morborum historiis condendis & iis ipsis curandis tribuunt, ac si in cognoscendis curandisque morbis paucis quibusdam principiis res plane confecta esset, aut omne tempus *μικρολογίis* suis terunt, (cujus rei aliquot exempla saepe dicto loco STEIGERTHALIVS exhibet luculentissima, quae breuitatis causa ibi benev. lectorem inspicere malumus quam hoc loco adscribere) ansam mihi dedisse videntur, quod in vulgus exiverit proverbium, *Nul-lum Mechanicum felicem esse Practicum*, seu, *bonos Theoreticos, malos esse Practicos*, quod inprimis de mechanicis adfirmare nonnulli haud verentur. Hi nimirum, dum condendis exornandisque Theoriis suis plane sunt intenti, non respiciunt magnopere quid mor-
borum

& Mathe-
seos

matheſeos vox latius pateat, nos illa hoc loco indicare profite-
mur potiſſimum phyſicam, ſeu ſcientiam quantitatis molis, tam
puræ,

borum hiftoriæ nos doceant, (credunt enim hæc omnia ſibi a priori
eſſe cognita) quamque ab inuicem res toto cælo diverſæ ſint, hiftori-
am morbi ex libris paucisque quibusdam datis concinnare, & le-
ctis ægrotantium, medici nomine, adſidere. Nondum certe in me-
dicina eo ventum eſt felicitatis, vt morborum cauſſas plane habea-
mus perſpectas, vt medicamenta illis queamus obponere adpro-
priata, vt ita dicam, partim quod illa nos haud raro deſtituant,
partim quod contraindicantia illorum uſum non permittant. At-
que vt ne plane *ασυμβολοι* ex hac digreſſione diſcedamus, vno
ſaltem exemplo nobis celebrem illam inter medicos quæſtionem
proponamus, *an detur in Medicina ſeu corpore humano Revulſio?* id-
que præſertim ſanguinis per venæ ſectiõnem. Apud veteres ex-
perientiam maxime valuiſſe morborumque accuratas hiftorias, nemo
negat. hi reuulſionem dari vno ore pronuntiabant. Hoc non po-
terat adeo verum eſſe, quo minus nonnulli de veritate eius practi-
ca dubitarent. In Gallia integris libris diſputatum eſt ante aliquot
annos de venæſectiõne, ac præſertim de illa quæ fit in pede, quoli-
bet diſputantium ſibi perſuadente, ſe mathematicis ac demonſtratiuis
fundamentis ſuæ theſeos veritatem adſtruxiſſe. Huius argumenti
ſunt *Observations ſur la ſaignée du pied & ſur la Purgation &c.* par
Mr. HECQUET a Paris 1724. vt & *Traité de l' uſage des différentes
ſortes de Saignées principalement de celle du pied* par Mr. I. B. SILVA
1729. *Reſlexions Critiques ſur le Traité de l' uſage des différentes
Saignées, principalement celle du pied*, par Mr. CHEVALIER, a Paris
1730. ac *Observations ſur les effets des Saignées* par Mr. Quesnay.
Neque in Germania hæc quæſtio intacta fuit. Duas de veritate practi-
cæ Revulſionis ac derivationis veterum Diſſertationes dedit GOE-
LICKIVS Halæ-Magdeburg. priorem anno huius ſæculi nono, alte-
ram duodecimo. Scripſit etiam de revulſione cruenta BOHNIVS. So-
lidiffime quod ſciam reuulſionem ſanguineam impugnauit Vir
μαθηματικο-φυσικωτάτος, HAMBERGERVS, edita de *Venæ-
ſectiõne, quatenus circulum ſanguinis mutat*, diſſertatione doctiſſima,
Ienæ 1729, adeo, vt experimento ad hanc rem ingenioſiſſi-
me excogitato, & ex principiis mathematicis, laborioſiſſimo inſti-
tuto

pura, quam impura seu adplicata, eo sensu, quo hæ voces a præstantissimis nostræ ætatis Mathematicis ac Philosophis accipiuntur (8). Siue, vt specialius adhuc nostram mentem explicemus, Arithmeticen, Geometriam, Mechanicam seu Phoronomiam, Hydrostaticam, Hydraulicam, Opticam, Acusticam, cuius pars Musice est, Geographiam Mathematicam.

III.

Dum itaque medicos nostros Mathematicos esse volumus, merito notare nobis videmur, nolle nosmet ipsos tales esse, quales peculiaris secta *Ιατρομαθηµατικων* (9) est complexa. Sunt hi, CONFRINGIO (10) ita rem explicante, *qui Astrologiam cum*

Non commendamus
vero Mathe-
seos
nomine
Medicis
*αποτε-
λεσµα-
τικων*

tuto demonstrato, schemateque concinno illustrato, existimet omnia in aprico posita omnique ex parte esse confecta. Verum dicant, qui hæc sunt in opinione, si possint, cur fæminis ex retentione sanguinis menstrui laborantibus *καταµηνια* sæpe succedant si vena in pede pertundatur, [idque aliquando adeo prompte, vt fluente adhuc e pede sanguine, aut paucissimis temporis minutis post, redire ex voto menses quotidiana experientia dubio prorsus carere iubeat,] non æque si in brachio? Et, si eo non moueantur, quod antiquis legibus, experientiæ medicorum superstructis, cautum sit, ne fæminæ, ob admissum marem suspectæ, venam in pede pertundi patiatur medicus, quærant medicos in praxi clinica exercitatos paratissimosque quid de hac re statuendum existiment? Cur gravidis *φλεβοτοµιζανδιν* in pede venam pertundere non licet?

f. Astrologiam,

(8) Conf. si hæc explicata desideres, concinne de iis commentantem in *Prolegomenis ad institutiones mathematicas* WEIDLERVM, fautorem meum honoratissimum, & supra laudatum FROBESIVM *dissertationis prioribus* sis.

(9) Primus, quod sciam, PTOLEMAEVS hoc nomine vsus, 'illum medicum, qui Astrologiam cura medicina bene copulet *Ιατρομαθηµατικος* nomine insigniendum existimans. & circumfertur nomine Hermetis Aegyptiorum liber a Io. Camerario latinitate donatus, cui titulus *Ιατρομαθηµατικα Αγυωπαν*, de cuius tamen ætate iudicium interponere non ausim.

(10) *Introductione in Medicinam Cap. II. Sect. 22.* ad quem locum adhibe SCHELHAMMERVM in Commentariis.

cui secta Hiatromathematicorum olim studuit. Origo Hiatromathematicorum indicatur. Mathematici & Astrologi nomen aliquando fuit permutatum, arte medica coniungere conantur, nihilque agendum esse coelo incon-
 sulto contendunt. Nimirum cum totius humanæ vitæ decursum omnemque eius felicitatem infelicitatemque ex ratione constellationum, partus potissimum momento euenientium, metirentur; non poterant non in Medicina facienda magnam constellationum, seu præcipuam potius, habuisse rationem. Manauit hoc superstitiosum medicinæ genus, PICO MIRANDVLANO lib. XII contra Astrologos, cap. VI id iam obseruante, dubio procul a Chaldæorum (11), Astrologicis obseruationibus adeo addictorum, scholis, (en iterum veteris Matheseos cum Medicina connubium) quumque cum nomine Mathematicorum pulcerrimo adeo male agi inciperetur, vt Mathematicos illos adpellarent, qui ex stellarum coniunctionibus hariolarentur (12): illi medici qui hoc matheseos genus

(11) Imo Ægyptiorum quoque, de quibus lib. I. de *Hermetica Medicina* c. X a CONRINGIO pluribus explicatur.

(12) Huius rei luculentum exemplum inuenias apud SEXTVM EMPIRICVM *adv. Mathematicos* l. IV. *sect. ultima*, vbi τῆς μαθηματικῆς τοῖς γεωμετροῖς καὶ ἀριθμητικοῖς obponit, & lib. V. *sect. 1. & 2.* Chaldæos adpellat μαθηματικῆς καὶ ἀστρολογῆς. Vid. Cel. I. A. FABRICIVM, erudite de varia nominis Mathematicorum significatione commentantem, occasione tituli librorum SEXTI EMPIRICI, quos scripsit *aduersus mathematicos*. GELLIVS libro I c. IX, iniuriam pulcerrimo nomini fieri notat, dum, vulgus, ait, quos gentilitio vocabulo Chaldeos dicere oportet, Mathematicos dicit. Hi peculiaribus quondam legibus, varia pœna digni, & consortio hominum eiiciendi ab imperatoribus, fuere habiti. Videas hinc in codice Iustiniano iungi titulos de maleficis & mathematicis, & ceteris similibus, haruspibus, auguribus, vatibus, hariolis, magis, Chaldæis. vt lib. V. & VII. de qua re vna instar omnium esse potest prolixa commentatio IO. EIGELII ad ἀνέκδοτα PROCOPII (seu quis alius illorum auctor sit) a se edita *Helmstad.* 1654, 4. vbi de Iustiniano scribitur, τοῖς μετεωρολογῶις χαλεπῶς εὐχε, iniquo astrologos patiebatur animo &c.



nus (13) ad medicinam transferrent, (quod quidem ipsis non parum laboris peperisse existimarim) *ιατρομαθηματικων* nomen inde retulerunt. Non poterat autem hoc superstitionis plenissimum medicinæ genus quin altas admodum in hominum mentibus radices figeret illis temporibus, quibus, philosophandi libertate suffocata, ex superstitionis magnitudine excellentiam doctrinæ æstimabant. Vt adeo mirum non sit, patrum nostrorum adhuc memoria publicam lucem adspexisse diatribas, magnorum cetera medicorum, de Matheſeos in Medicina præstantia (14), quibus venerabilem Astrologiam Matheſeos nomine Medicinam solide addiscere cupientibus tantum non obtrudere susceperunt. Neque nostra ætate eousque euulsas hominum animis eiusmodi errorum radices videas, quo minus vernam pertundere, aluum ducere, cucurbitulis scarificatoriis vti summa licet necessitate id exigente, sæpe eo nomine vereantur, quod fasti (15) illud tunc temporis interdican, consulti-que pronuntient: *Es seye zur selben Zeit kein gut Ueberlassen/ Schröpfen/ Purgieren &c.* Quem errorem non solum a Chirurgis

(13) Sic Iulii Firmici libros Matheſeos, *γενεθλιακην* completi videas.

(14) Huiusmodi fere est R. W. CRAVSII in Ienensi quondam academia Professoris *Propempticon Inaugurale, de Matheſi Medico maxime necessaria*, in quo innumeram hiatromathematicorum huiusmodi scriptorum cohortem percenseri videas, vt illos taceamus, qui de solis & lunæ in corpus humanum imperio superioribus adhuc annis explicuerunt, vtque veterum scriptorum medicorum innumeros silentio involuam.

(15) CONRINGIVS *Introducť. c. 2, f. 22, pertinent*, inquit, *ad classẽ illorum, quorum Astrologia superstitionẽ medicinam peperit, plerique qui Calendaria sua euulgant. Quos inter antesignanum quasi agit COLLIMITIVS TANASTETTERVS, qui hoc in genere aliquot scripta euulgauit, quorum catalogum, si tanti est, apud SCHENCKIVM videre potes. Merentur autem de hac re expendi qua doctissimus LANGIVS l. 1, epist. 35 perscript.*

gis impolitioribus, sed iis etiam quos empiria, seu cælum potius humano generi iratum, medicos fecit, committi toto die cernas (16).

IV.

Transitur
ad consider-
ationem
utilitatis
Matheseos
in Medici-
na cum
aliis com-
munis,
quod
emendet
intelle-
ctum.

Sufficiat hæc generatim præmisisse. Vt vero nos ad illa adcingamus, quæ ad propositi nostri exequutionem propius pertinent, primo generalem proponamus studii Mathematici utilitatem, quam Medicina cum plurimis aliis doctrinæ generibus communi veluti iure inde reportat. Certum nimirum est indubitataque veritatis, mathematicarum scientiarum illam esse indolem, ut intellectum magnopere perficiant. Hoc illa potissimum ratione expediunt, quod in omni tractatione quantitatis primo distinctas rerum notiones, seu definitiones, præmittant. Iam ex natura definitionis patet, ea primo statim loco menti insigi aut delineari de qua præcipue re ceperit exponi. Dein corollariis, theorematibus cum propositionibus, ipsorumque demonstrationibus, problematibus, observationibus seu experienciis, quid salua consequentia ex cognitis concludi siue elici possit, quomodo propositiones ad oculum demonstrari, ex demonstratis ulterius concludi, problemata ordine expediri, observationes seu experientiæ in iustos usus conuerti, queant, docetur. de quibus pluribus, qui de methodo mathematica sunt commentati, ac præcipue celeberrimus WOLFFIVS (17), consulendi. Hoc cum viri sagacissimi perspexerint, non dubitarunt in libris suis quos de emendandis perficiendisque mentis facultatibus conscripsere præcipuam matheos rationem habere, & ab illa omnis studiorum generis primordia repetenda iudicare.

-
- (16) Quam imbecilla sint huius generis hominum argumenta peculiari dissertatione de influxu luna exposuit Cel. P. GERICKIVS noster.
- (17) In succincta Commentatione de Methodo Mathematica, Elementis Matheos tam latine quam germanice conscriptis, præfixa.

care (18). Iam vero cum Medicinæ finis longe sit nobilissimus, quippe quæ circa sanitatem vitamque humani generis occupatur, curam omnino gerendam esse merito existimamus, vt illius addiscendæ iaciantur fundamenta solida. quæ præsertim ex mathematicis repetemus, ex quibus tanquam artibus demonstratiuis non solum prudenter de rebus dubitare adlucescimus, (mathematici enim non facile demonstrari quæ possunt absque demonstratione recipiunt) sed post acquisitas claras rerum ideas, schematicis demonstrationibus ea, quæ prudenter sumus commentati, eo facilius clariusque cum aliis communicabimus. Neque nostra demum Patrumque nostrorum memoria extiterunt qui huius rei veritatem agnoscerent, sed ipse iam HIPPOCRATES, medicinæ rationalis instaurator magnus, filio Thesalo in Epistola seu potius Isagoge sua ad studium medicum (19), matheseos peritiam inprimis acquirendam suadet ac commendat, cuius vestigia legit GALENVS passim.

Ad Medicinam, artem vtpote adeo salutarem, addiscendam, bene præparatas animi vires adferre oportet.

Respexit illud iam olim Hippocrates.

V.

Hæc de generali Matheseos in Medicina vsu. Ordo nunc requirit, vt ad specialiora progrediamur, & secundum seriem maxime naturalem, qua Medicinæ partes se inuicem excipiunt

B 3

(18) Exemplo vnus instar multorum esse potest illustris TSCHIRNHVSIVS, libro cui titulum fecit *Medicina Mentis*, multis admodum modis rei veritatem demonstrans.

(19) Edit. Linden, T. 2. p. 924. ἱστορίας δὲ μελετῶ σοι, ὦ παῖ, γεωμετρικῆς καὶ ἀριθμητικῆς· ὃ γὰρ μόνον σεο καὶ τὸν βίον εὐκλεα καὶ ἐπὶ πᾶσι χρῆσιμον εἰς ἀνθρώπινην μοῖρην ἐπιτελεῖ, ἀλλὰ καὶ τὴν ψυχὴν ὀξύτερην τε καὶ χυλαυγέστερην, κατὰ τὸ ἐν ἱατρικῇ οἰοῦναι πάν ὄντι χρῆζει.

piunt (20), Matheſeos, qualem N. II. delineauimus, vtilitatem ac præſtantiam, breuitatis cauſſa vno alteroue exemplo declaramus. Vides forſan, Lector beneuole, poſſe nos duplicem huius duplici ratione poſſe exponi. proſpecti noſtri exequendi viam ingredi, alteram, vt ſecundum Medicarum, alteram, vt ſecundum Mathematicarum quam methodum ex his ſimul electuri? & diſciplinarum ordinem ingrederemur. Sed, cum nobis ſpecimen aliquod Medicum lectoribus exhibere apud animum ſit conſtitutum, Medicinæ potiore rationem habentes, ſecundum ordinem eius partium maxime natiuum, inſtitutum perſe-

(20) Is vero ſequens poſſimum eſſe videtur. Diſcat Medicinæ ſacris initiandus primo per *Anatomiam*, quæ ſint humani corporis partes, quæ ſtructura. Dein quæ ſit harum partium actio per *Phyſiologiam*, cognitioni ſtructuræ humani corporis ſolidiori ſuperſtructuram, vt omnem ſani hominis ſtatum adeo norit. Tum *Hygienæ* ſeu *Diateticen* his ſubiungat, quam excipiant *Pathologiæ* ſeu *cognitionis morborum principia generalia*, quibus addet *Semiotices* cognitionem, vel ſerſim, vel parallelo progreſſu cum ſubneſcenda *ſpeciali morborum doctrina*, (*Chirurgicos* hic quoque complectimur) tractandam. His, tamquam fundamentis ad præſtandam humano generi ſalutarem operam, præmiſſis, cogitet de *Therapia*, ſeu *curandis morbis*, in quam rem partim diateticis chirurgicisque adminiculis, partim pharmaceuticis, indigebit. Chirurgica traduntur per ſpecialem Praxin Chirurgicam. ad Pharmaceuticorum ſcientiam pertinet *Botanice*, & tota, hanc ſimul complectens, ὕλη ἰατρικὴ, ſeu ſic dicta *Materia Medica*. Qua vt ex voto vti poſſit, *Chemia* & *Pharmaceutice* opus eſt. quibus tandem inſtructus artibus, via ſolida, expeditiſſimaque adgredietur futurus Medicus *Therapiam* ſeu *Medendi methodum*, omniaque, quæ hoc nomine comprehenduntur. His ideam ſtudiū Medici addiſcendi nobis (licet in vulgus illam ſecus, & ſæpe nimis præpoſtere addiſci toto die videas) dediſſe videmur, quam licet cum recepta methodo, haud plane repudianda, ex omni parte non conſpirare videam; tamen a viris æqua iudicii lance non expendentibus, & quod fieri debebat cognofcentibus, illam non plane repudiatam iri conſido. Accedit his tandem *medicina forenſis*, quam etiam ſua ex Matheſi recipere commoda aliquot locis docebitur.

persequi satius fuit visum. Accedit, quod sub huius sæculi initium, in academia Basileensi ERASMVS BLANCK *dissertatione de usu Matheseos in Medicina* conscripta, ordine partium Matheseos, hoc argumentum tractauerit. Quæ dissertatio quo minus ab instituto nos deterreret nostro, fecit partim notabilis breuitas qua argumentum hoc pertractauit, partim quod nobis constitutum sit, illud potissimum demonstrare, quantum Praxis Medicinæ vtilitatis a Mathesi receperit recipiatue, cum, qui hoc argumentum tractarunt, potissimum in speculatiuis subfisterint Medicinæ capitibus, iisque fere merfi, non raro Medicis clinicis expertis ac felicibus stomachum mouerint, seque ridendos præbuerint. vt adeo qualis debeat esse Demonstratio medica, eruditæ *dissertationis de Demonstrandi ratione in arte medica*, cl. BVRGMANNO, commilitoni quondam meo æstumatissimo, sub præsidio cel. BVRCHARDI in acad. Rostochiensis suggesserint materiam.

VI.

Reliquum iam nihil est, quam vt ad nostri argumenti explicationem transitori, paucis moneamus, nos pro expeditiori in illa progressu, neque partium Medicinæ, neque Matheseos, definitiones descriptionesque esse moraturos, sed illas velut antea iam cognitæ, pro ratione qua de illis publicum adplausum promeriti auctores antea egerunt, esse adhibituos. Neque enim Medicinæ aut Matheseos tyronibus, sed qui iam aliquos in vtroque fecere progressus, scribimus. Ceterum vt omnia a nobis feliciter peragantur & in summi Numinis gloriam vergant, idem supplices veneramur.

Monetur
nos in hæc
diatriba
definitio-
num de il-
lis mathe-
seos ac Me-
dicinæ
partibus,
de quibus
loquimur,
nullam
esse curam
habituos.

VII.

Simulac vero nascentis medicinæ rationalis conditionem, Anatomia Anatomia cultiori, magnam, si non præcipuam sui partem, debentis, propius paullo intuemur, statim insignia deprehendimus Matheseos in Medicinam bene merita. Non curabimus hoc lo-

præter Me-
chanica in-
strumenta
quibus ad-
iuuatur,

exHydrau-
licis ma-
gna cepit
incrementa,
dum
eius ope
injectiones
peragere
docuit.
quam ar-
tem miri-
fice exco-
luit Ruy-
schius.

eo quot instrumentis, totidem Mechanices beneficiis, Anatomæ indigeat, si illam expeditius tractare velimus, ut sunt forfices, forcipes, ferræ, acus, tubuli, folles, machinæ pro expedita crani apertione, mensæ versatiles, ne plura commemorem. Proponemus solummodo nostræ considerationi quantum Hydraulicæ in acceptis sit ferendum, eo, quod siphonum usum docuit. Posteaquam enim hos ad inquirendam humani corporis vasorum structuram adhibere ceperunt Anatomici, pandere res tenebris alta & caligine mersas feliciter inchoarunt. Possem ego huius rei exempla R VYSCHIANIS conatibus adhuc vetustiora in medium adferre, longo iam inde a temporis intervallo Anatomes per Hydraulicen incrementa satis demonstrantia. Verum, cum huius viri industria in hac arte vel longe illis sapientius cumplura inuenerit, vel ab aliis inuenta fecerit meliora, satis sit in thesæos nostræ confirmationem, eandem ob oculos animumque ponere lectoribus. Legat mihi aliquis atque intueatur huius viri *Thesaurus anatomicos, Epistolas, Anatomico Chirurgicarum observationum libros &c.* Nullus dubito eum quauis fere pagina iri conuictum, summa hydraulicis his instrumentis deberi encomia. Quod quidem adhuc clarius patet, si ipsa præparata Ruyschiana inspiciendi datur facultas, quæ mihi magna mea cum voluptate tum apud venerandum Præceptorem meum HEISTERVM, sæpius contigit, tum aliquoties, cum superiori hieme Luneburgi agerem, benevolentia nobilis Viri de DASSEL, Pinacothecam amplissimam præparatarum humani corporis partium, magnis sumtibus a Ruyschio coemtam, possidentis. Dum hæc scribo acerba mihi refricatur memoria obitus doctissimi I. G. FRID. WEISII, cuius ac commilitonis mei dum viueret suauissimi, amici post rogos quoque dilectissimi, qui methodum vasa sanguifera humani corporis cera replendi a cel. HEISTERO publicis æque a priuatis acroasibus anatomicis monstratam, eo iam usque perfecerat, ut subtilissima vasa intestinorum tenuium capillaria, feliciter cera repletet, adeo ut col-

collatione ad Ruyschiana facta, illis vel parum vel nihil cederent, utque omnes *Ruyschium* reuiuiscerent ominarentur hoc nostro amico, cui cum ingenio indefessum rei Anatomicae, Chirurgiae, imo totius Medicinae, contigerat studium. Sed Hepatitiden consequuta Phthisis longiore vita dignum mature hominum consortio eripuit.

VIII.

Huiusmodi itaque conatibus non solum debemus, quod Explicatur de com- in Physiologia sciamus corpus humanum eiusque partes ex in-modis, numeris vasorum gyris & anfractibus, maxima, si non omni,quae re- sui parte esse conflatum, (ut non amplius ab illis decipiamur,cipit PHY- qui nullibi non glandulas sibi fingebant,) sed etiam certum va-SIOLO- sorum tractum, cuius maximus est frequentissimusque in omni-GIA ex A- fere chirurgiae parte, usus. quem exemplo paulo post decla-NATO- rabimus, aequae ac in Pathologia interna rite formanda harum-MIA per iniectionum utilitas patebit, exemplo morborum ex venae Por-Mathefin tae structura solum fere explicandorum.cultiori.

VIII.

Porro *Optice* per Microscopiorum usum Anatomiae suas OPTICE commendat operas, dum minutiorum, atque oculorum aciem parvarum eludentium, humani corporis partium figuras detegit ac mon-corporis strat. Dum v. g. papillas nerveas linguae, renales, poros cutis, H. partium reteque Malpighianum, (quicquid Garengot hic ogganniat) cla-figuras re distincteque monstrat. Dum ossium structuram ostendit, primo dum medullae ossium cellulas in apicem producit, imo in vi-monstra- uis adhuc animantibus per vasa minima circulantibus humores ita ob oculos ponit, ut sensus eiurasse fanos merito existimetur, qui hanc rem in dubitationem amplius adducere non erubescat. Qui de his plura desiderat euoluat Malpighiana, Leewenhoeckiana, Hockiana, aliorumque scripta, ut & pro ossium structura, *Osteologiam* CLOPTON HAVERS.

X.

Ut vero, quae instituti nostri potissima est ratio, harum Ostendi- rerum usum in Praxi Medica ostendamus, primo de Chirurgia tur quan- C tus horum dispi-

inuento- & tractus, iniectionum adminiculo primum esse demonstrata.
 rum vsus & tractus, iniectionum adminiculo primum esse demonstrata.
 fit in *Praxi* Hoc, vt in omnibus operationibus chirurgicis adprime vile esse
Chirurgia mea non demum indiget demonstratione, ita iniectionibus de-
 partim ge- betur, quod arteria brachialis non raro duplex esse fuerit de-
 nerali, par- prehensa, (vt superiori anno adhuc a Cel. HEISTERO in thea-
 tim specia- tro anatomico demonstratum est,) aut si magnus ille truncus
 li, in am- non plane duplex sit, ex illo tamen in musculos exire cernan-
 putatione tur rami admodum conspicui. Quæ res admirabiles in huma-
 brachii num genus transfudit utilitates. Etenim, quum antea fuerit
 post vul- creditum, insigniter lassa aut plane rescissa arteria brachiali nul-
 neratam lum aliud vitæ hominis vulnerati patrocinium esse relictum,
 arteriam, quam vt obfirmata arteria, infra vulnus sita brachii pars, (gan-
 grænam quippe sphacelumque breui contractura,) rescindatur;
 nunc cautius mercari hoc inuento chirurgi fuerunt edocti. Liga-
 ta siquidem arteria, opus reliquum naturæ committere cepe-
 runt, & ope anastomosium partes infra arteriam ligatam per
 reliquos canales si desit trunci arteriæ maioris duplicatura, nu-
 trimentum recipere posse, credentes, ab amputatione sibi tem-
 perarunt. Quo in negotio adeo faustis vsi sunt rerum succes-
 sibus, vt imperitus hac ætate, si non poena adficiendus, meri-
 to iudicetur chirurgus, qui vulnerata, ac exinde ligata, arteria
 brachiali, præter brachii amputationem nihil auxilii consiliique
 superesse existimet. Contigit certe, inter plurima alia præstan-
 tieris chirurgiæ exempla, quibus testis autoptes adfui, hæc mihi
 felicitas, vt ab exp. HEISTERO viderim restitutum iuuenem in
 hac academia litteris operam nauantem, cuius brachium spha-
 celo, per fortes ligaturas, ob arteriam supra cubitum vulne-
 ratam, erat proximum, & de cuius salute omnes desperabant.
 Quod utique matheseos meritum inter præcipua referendum
 est, cum nimis verum, sit quod vulgo dicitur, non repullulare
 membra hominum in morem chelarum cancri.

Monstra-
tur idem

XI.
Iam quod ad internorum morborum pathologiam adinet,
in



in his iniectiones magnam veræ Pathologiæ lucem rursus ac- in *Præf.*
cenderunt, dum quæ sit veræ eius structura ad oculum mon- morbo-
strarunt. Inde est quod genuinam demum hypochondriaco- rum inter-
rum, hysteri-
corum, vomitus cruenti, hæmorrhoidum innumero- na, exem-
rumque aliorum morborum historiam concinnare potuerint me- plo venæ
Portæ.
dici clinici. (quod clare explicatum videas ab exp. STAHLIO in
dissertatione de vena Portæ portæ malorum) Vt illi etiam, qui non ma-
gnum subtiliori anatomia pretium ponunt, hac tamen in re eius
præstantiam tacite velut elogiis adficere fuerint coacti. Conf.
HAHNII *dissertationem inauguralem de Anatomæ subtilioris utilitate*,
Præside cel. HEISTERO in hac academia anno 1728 habitam.

XII.

Possẽm hoc loco siphonum utilitatem, tum alias in chirur- Siphonum
gia ad vulnerum explorationem adcuratiorem, tum quoquẽ in utilitas in
sectionibus medico forensibus de lethali-
tate vulnerum explo- Medicina
randa, pluribus commendare atque deprædicare. Sed cum forensi seu
multa adhuc sint residua nostræ explicationi, satis sit hæc solum consulta-
nomine tenus commemorasse: quum illis, qui chirurgicis tin- toria, &
chirurgia;
cti sunt, & renuntiationis vulnerum doctrinam sibi iam aliquo
modo reddidere familiarem, memoriam satis multorum vsuum
Hydraulices in Medicina refricasse nobis videamur.

XIII.

Physiologia nunc altero loco considerationi semet nostræ si- Inchoatur
fit. Quam quemadmodum multum mathesi debere ex meri- sermo de
tis matheseos in Anatomiam patere iam posset, cum absque hac Matheseos
vix vlla sui parte Physiologia non cæcutiat; ita nunc dabimus vsu in
operam, vt aliquot argumentis, quæ ex magno satis cumulo PHYSIO-
elegimus, nostræ thesæos demonstrationem peragamus. Dedit LOGIA.
anno huius sæculi tertio in hac academia *Programma de Principiis
Mechanicis Physiologiæ adplicandis*, A. C. GACKENHOLZIVS, in
quo aliquot exemplis quantum utilitatis Medicinæ adferat hoc stu-
dium

Mechanice
sunt acti-
ones cor-
poris.

dium demonstravit. Ac primo quidem, cum totius humanæ vitæ idea motu absoluatur, ex Mechanices cognitione, (qua muscoli velut totidem funes, ossa, vt vectes homodromi, secretoria excretoriæque velut totidem extrema canalium vel hydraulicorum, vel aliorum a constrictione sui principii humorem excutientium, considerari possunt, (21)] motus animalium tam localis quam internus, non amplius obscura quadam facultate motrice, sed clarissimis musculorum & ad oculum patentibus motibus euenire comprehenditur. Quis vero ad claram harum rerum notitiam ante peruenit, quam medicinæ mathematica principia ceperunt adplicari? Quis tanta medicinam incrementa paucorum annorum intervallo, aut sumere posse credidit, aut sumere vidit, quam illa matheseos adminiculis adiuta, vere sumsit, si vel a patrum adhuc nostrorum memoria rem arcessemus. Quidquid enim de medicinæ decrementis querantur nonnulli, illud amplius valere aut extendi non potest, quam ad studium obseruandi. Huic tamen veros Hiatromathematicos operam imprimis dare, pluribus, si per spatium liceret, ostendere possemus. quum hoc certum ratumque maneat, intra paucos annos, quibus mathematice tractata fuit medicina, eam maiora sumsisse incrementa, quam mille annorum spatio ante, quibus hac face caruit. His autem certo certius debetur principiiis, quod v. g. respirationem, musculorum intercostalium. leuatorum costarum Stenonis, superioris postici &c. contractione fieri sciamus, alleuatis, versus puncta superius fixa, costis, hocque ipso vna cum diaphragmatis constrictione ac descensu, amplificato thorace. quorum postea musculorum antagonistis efficitur, vt expiratione fiat atque inspiratio breui post iterari possit. Quo ipso planum fit pulmones ad respirationem, (certe inspirationem) mere passive, vt loquuntur scholæ, sese habere. Vnde illud porro corollarium practicum manat, non

(certe

exempli
loco poni-
tur respi-
ratio, ex
cuius in-
strumen-
torum
structura,
concludi-
tur ampli-
ficatione
thoracis
fieri inspi-
rationem,

(21) Concinne de his eruditeque pro more suo differentem videas magnum nostræ ætatis medicinæ lumen BOERHAVIUM, in *Prolegomenis ad institutiones Med.*

læsis licet pulmonibus, respirationem tamen esse posse quam maxime læsam. 2) ergo in curandis quibusdam respirationis morbis externarum partium cura a) vel solum, vel b) iunctim cum partium internarum ratione habita, est gerenda. Dari vero eiusmodi, historiarum morborum docent, in quibus hodie Pleuritis spuria nomine prostat. Hoc siquidem, factio sanguinis ac lymphæ ad musculos pectoris maiori impetu & stagnatione, sentitur dolor alterutrius lateris punctorius, cum difficili respiratione, febricula, sed pleuritica minori, interdum etiam tussi aliqua, sed non cruenta. Patet iam in curando hoc morbo, post generalem sanguinis seu lymphæ stagnantis tractationem medicam rite institutam, loci affecti curam externe quoque esse gerendam, idque inprimis (22). sublata siquidem stagnatione isthac, tolletur quoque effectus. Hinc vel epithema parari poterit,

℞ lactis bubul. libr. ij.

fol. hyoscyam. Mj.

fl. chamom.

sambuc. a Mß.

ebulliant leniter inuicem, vase clauso, tum vesicæ vitulinæ aut suillæ inclusa adhuc calentia imponantur loco dolenti. Repe-
tatur hic procedendi modus, ut sint duæ vesicæ, quæ vicissim loco dolenti, post refrigerationem aqua calida refocillatæ, imponi queant. LENTILIVS prudens expertusque Medicus, vel vnguento de hyoscyamo solo in hunc finem latus dolens inungendum iubere solebat, vel etiam sequens linimentum suadebat:

℞ Vngt. de Hyosc. drachm. vj.

pingu. mur. mont. vel caponis drachm. iij.

ol. dest. carui drachm. j. M.

Vide eius scripta practica passim. Crediderim quoque illum medicaminis toties commendati non infelices successus esse expertum. Sed, cum haud raro experiamur agros pingua difficul-

cognosci-
turq; quid
ad respi-
rationem
conferant
pulmones.

Vfus ha-
rum the-
sium in Pa-
thologia,
& quomo-
do exinde
a priori
possit desi-
niri me-
thodus
prudentis-
sima in
Pleuritide
spuria,
duplicis
generis,

quam me-
thodum
etiam Pra-
cticorum
monu-
menta
probant.

Cautela
practicæ

C 3

(22) Patrocinator huic rei inprimis observatio practica nobilissima nobilissi-
mi LANCISII, dum notat, sanguine hoc in morbo per cucurbitulam
e parte affecta educto, eundem velut per incantamentum tolli.

circa pin-
guitum
vñum ex-
ternum in
Pleuritide
hac

ter ferre, & facile inde *μεταστασις* materiæ stagnantis ad alia lo-
ca magno sæpe periculo euenire; hinc cautius rem expedie-
mus, si eorum loco sacculos adhibeamus e leniter discutienti-
bus, v. g. matricaria, chamæmelo, ruta, mentha, fl. sambu-
ci &c. cauendo solummodo ne discussionem nimis acceleratu-
ri, valde volatilia adhibeamus, & materia ad pulmones retro-
pellatur. Quæ admonitio præcipue videtur necessaria in mor-
bo illo, qui inter Pleuritiden spuriam & veram est medius, seu
utriusque mali particulam complectitur, cuius paullo ante fe-
cimus mentionem. quum ceteroquin maxime sit in eo necessa-
rium ad veræ Pleuritidis sublationem tollere ipsi adiunctam spu-
riam. Impedit hæc siquidem quo minus debitis modis fieri
queat puris ac viscidorum humorum e vesiculis pulmonalibus
excussio.

XIV.

Totius
doctrinæ
de muscu-
lorum
motu co-
gnitio nul-
la, sine
mathefi.

Verum vt strictius iam Physiologiam attingamus, quis
solide, quæso, de actionibus motibusque humani corporis ante
iudicauit, quam Mathesis facem de hac re dicturis prætulit? Diu
quæsitum est de motu muscolorum, & mire exercuit medicos
quæstio, qua ratione fiat, vt muscoli dum intenduntur fiant bre-
uiiores? vndeque tantum habeant virium? Nemo tamen de hac
re aliquid dixit, quod veri tantum habeat similitudinem, nisi
qui mathematicorum in morem de mechanicis his actionibus cla-
ras ideas suggessit iconibus illustratas. Multa de hac re apud
STENONEM, BORELLVM, STVRMIVM, BERNOVILLIVM,
BOERHAVIVM & MEADIVM videas legasque. Clarissime de
eadem, quod sciam, nuperrime explicauit cel. IO. POLENVS,
*epistola ad Guidonem Grandum de causa motus Musculorum, Pa-
tauii 1724.* Sed tota quanta hæc est, est mathematica, nec
ab aliquo, nisi mathematicis tinctus sit, facile intelligenda. Quod
iam ad diuersorum muscutorum actiones, seu effectus, quos in-
tensione sua exerunt, adtinet, quis fieri posse credet? vt mu-
sculus, cuius punctum fixum a tergo corpori mouendo est, cor-
pus



pus illud possit antrorsum mouere? quis trochlearis oculi, pterygo-staphilini vuulæ, musculorum, actiones, dicto modo comparatas, clare intuebitur, nisi mathesi in auxilium aduocata? Iam porro quum tanta sit musculorum vis, e solis mechanicis rationes reddere possumus variarum insertionum, quibus musculorum tendines ossibus adhærent, cur nimirum illi iis præcipue locis inserantur, quibus illos videmus necti, & cur non aliis? quibus maiorem poterant ex ratione vectis vim exercere? futurum si quidem erat, vt fortiter intenso musculo verendum esset ne frangatur os. Cuius rei luculentissimum exemplum præbet Masticatio, ope ossis non admodum robusti incredibiles vires absque eius fractura, exerens, cuius rationem evidentissime e principijs mechanicis quondam exposuit cel. HEISTERVS, peculiari ad hanc rem dissertatione conscripta. Consideremus denique, vbi aliæ causæ vetuerunt vim motricem seu musculum longius ab hypomochlio adplicare, quibus sapientissima natura vtatur adminiculis. Nimirum facit trochleas. Huius clarissimum exemplum videmus in poplite, si consideremus primo quantum pondus habeant partes infra genu sitæ. dein, quod huius ponderis motus immane quantum difficilior euadat, dum musculorum extensorum communis tendo, non demum in inferiori parte tibiæ, seu versus articulationem cum pede, potuerit coalescere cum osse tibiæ, sed infra genu statim in tuberculo tibiæ figatur. denique quantum non in obambulatione solum, sed in orthostadio quoque virium requiratur, ad pedem tum sæpius extendendum, tum ad seruandum æquilibrium superincumbentis totius corporis, ope reactionis æqualis inter extensores flexoresque musculos. Satis autem nobis sit, aliquot tantum exemplis hoc loco pro nostra thesi demonstranda, causam egisse; cum innumera eidem patrocinia pariant scripta verorum hiatromathematicorum, ac inprimis hoc in genere notissimus BORELLI *de motu animalium liber*, ceterique modo laudati viri præstantissimi.

XV.

Mechanices pars est Staticæ, siue doctrina, qua ope librarum ces in Mechanici

dicina vti-
litas

varii generis, ponderis vel accessiones vel imminutiones experimur ac determinamus. Huius ope factum est, vt adeo nobile in medicina inuentum proftet, quo nobilius, si sanguinis circulum eximas, seculum non tulit. Est illud *Transpiratio, per SANCTORII medicinam staticam illustrata*. Norant dudum medici, transpirare corpus humanum, atque aliquam alimentorum partem in auras diffare. Sed quod tam insignis portio eadem abeat, id vero cum ignarissimis sciebant. Non poterat proinde fieri, vt illam impeditam aut sufflaminatam tanti facerent, quam quidem reliquas excretiones. Vnde illud manabat, quod de illa iuuanda non ita, vt oportebat, essent solliciti. Verum postquam huic rei sollertissimus SANCTORIVS manum inieciisset, opera triginta annorum concinnauit Sectiones VII Aphorismorum, *de Medicina Statica*, libro, si molem metiaris, exiguo, si praestantiam, maximo. Docuit illis magno adtendentium miraculo, si cibus & potus vnus diei sit ponderis octo librarum, transpirationem insensibilem adscendere solere ad V. libras circiter, & quod *quantitas, recitamus iterum eius verba Aphor. VII, perspirationis insensibilis aliquam varietatem patiatur pro varietate regionis, temporis, aetatis, morborum, ciborum, & aliarum rerum non naturalium*. Suggestit hoc ipso medicis prudenter medicinam facere cupientibus, normam, ad cuius ductum faustissimo in cum plurimis morbis possint rerum euentu potiri, quaque non solum prudenter a subitanea aeris calidi in frigidum mutatione aliis cauere possint; sed si huius neglectu aliquid admissum sit, contractaque aegritudo periculum molestiamque adferat, cita mali medicamina possint eligere. Vfus huius rei quam latissime patet, in omnibus illis morbis qui ex anni temporum mutationibus, idque praesertim subitaneis, ortum ducunt, seu illis temporibus persentiscuntur. Cuiusmodi tota febrium catharralium est familia, coryzae itidem, lipitudines, gravedines, cephalalgiae, vertigines, imo ipsa apoplexia. Quid de diarrhoeis futurum, imo ipsis dysenteris, illis anni temporibus quibus dies aestiuos noctes frigidae solent excipere?

Monstratur huius doctrinae praestantia, in morbis cum pluribus, eo-

cipere? Annon hic dolorem intestinorum, frigore subtilissimam illorum telam iniadente, suppurationemque producente, magna ex parte augeri arbitramur transpiratione insensibili sufflaminata? qua serum excernendum in corpore stagnat, intestinorumque corruptum statum exulcerationemque ad sanitatem redire prohibet. haud secus ac cachecticorum hominum vulnera, ut & illa quæ in œdematosiis partibus sunt, difficillime confanescere toto die experimur. Annon denique medicus prudens si præsertim existismodi fonte diarrhœam aut dysenteriam promanasse habeat perspectum, reliquæ prudenti abdominis male habentis tractationi adiunget regimen diaphnœicum? ut ex innumeris pauca solum adferamus. Plura de hac re scienter non minus quam grauitè scripta reperias in BAGLIVI Canonibus de Medicina solidorum ad rectum Statices usum.

XVI.

Per *Hydrostaticam* experimur gravitatem fluidorum ad se inuicem. Scimus hac magistra, aerem esse aqua leuiorem, remque hunc comprehendentem non æque facile fundum petere, quam quidem eiusmodi, ex quibus est exclusus. Perspectum habemus eadem, tantum aeris, quantum vesica urinaria bouina capit inflata, triginta circiter libras adpensas in æquilibrio aquæ seruare, illasque fundum petere vetare. Porro tentamine exploratum fuit, *pulmones quos semel aer fuit ingressus fundum non petere* si aquæ iniiciantur. Si enim ex infante aut animali ante partum extincto pulmones sani, nullisque scirrhis infecti aut exulcerati, in aquam coniectæ & fundum petentes, vel leuissimè insidentur, postmodum, utut fortissimè pressæ fuerint, aerem non rursus dimittunt, nec fundum petunt. Duplicem hac res utilitatem adtulit. Primo enim celebrem illam litem physiologicam diremit, an fœtus ante partum, aut certe quam diu chorio & amnio integris est inclusus, respiret, seu, hominis nati in modum, aerem in pulmones adtrahat? Dein, cum

Medici

in Medici-
na foren-
sibus circa in-
fantidii
um.

Medici officium sit triplex, & præter duo illa notissima etiam forense, ut nimirum Iureconsultis, quærentibus, utrum infantes mortui feminarum suspectarum, vere mortui in lucis auras prodierint? an vero respirauerint, adeoque vixerint, & infanticidii suspicio in earum pœnam vrgenda sit? faciem accendant. Quibus ceterum prudentiæ monitis hæc quæstio opus habeat nervose explicavit ven. Præceptor meus L. HEISTERVS, *Propemptico Anatomico*, cui titulus: *Ex pulmonis fœtus innatatione vel submersione in aqua nullum certum infanticidii signum desumi posse*, Helmst. 1724, quorum summam in *dissertatione inaugurali de Medicinæ utilitate in Iurisprudentia* eodem Præside superiori anno, habita, exhibuit suauissimus quondam commilito meus, nunc fautor & amicus æstumatissimus I. M. STARCKIVS.

XVII.

Sine opti-
cis non so-
lum phæ-
nomena
visus in
Physiolo-
gia igno-
rantur,

Opticæ debetur gloria quod illa non solum qua ratione visus fiat monstrarit, sed etiam vitris varia ratione formatis varias radiorum modificationes instituere docuerit. Huius itaque beneficio hoc sumus felicitatis consequuti, ut sciamus quomodo phænomena visus nostri in rerum natura generentur. Poterat hoc esse satis in medicinæ commodum, ut maximopere eius utilitas illis deprædicaretur, qui de rebus ad corpus humanum pertinentibus, pro ratione limitum qui humanæ cognitioni penuntur, velint esse certissimi. Satis inquam esse poterat, si physiologica visus cognitio per opticam euaderet solidior. Id quod factum esse IO. CHR. STVRMI *dissertationes de oculo* *Ἰεροκροῦ*, de oculo tamquam camera obscura, de presbytis & myopibus, una cum Elementis Opticis Mathematicorum, cum primis NEWTONI, declarant, adeo, ut satis mihi laboris dedisse viderer, si singulorum elenchum solummodo exhibere susceperem. Sed tantum abest ut his cancellis concludatur quam Medicina ex Optice recipit utilitas, ut potius longe præstantiora his ipsis, si ad Praxin medicam respiciamus, supersint. Etenim

cum

cum magna hominum pars, vel senili visus hebetudine laboret, vel, licet sit roboris cetera exoptatissimi, non nisi in proximo oculorum confinio posita obiecta cognoscat, sola optices, cultura & nulla alia vtrisque mederi didicimus. Ac primo quidem *in solamen visus senilis* adhibere docuit vitra conuexa, seu quibus in certa distantia adhibitis, obiecta clarius cognoscantur, dum ope vitri adhibiti maiora adparent. Dein *in Myopum adiuumentum* inuenit vitra concava, quibus pupilla contrahatur (nimis vtplurimum in his dilatata ab humore aqueo inter illam, seu corneam, & lentem oculi crystallinam intercedente,) & quibus radii nimia copia incidentes dispergantur. Quis vero medicorum ante matheseos culturam iustam visus morborum pathologiam aut mente concipere, aut aliis tradere potuit? Quis in physiologicis rationes reddere potuit cur semilis visus, obiecta longius distantia postulet? cur senectus ipsa myopiam in melius vertat? cur homines, quorum oculi prominentiores, vtplurimum sint myopes? & innumera alia, in quibus omnibus cæcus sit oportet matheseos adminiculis destitutus medicus, quibus vnis solisque in therapia magnis hisce visus molestiis opem adferre discit, quibus tanta hominum multitudo afflicta nunc exoptatissima suæ miseriæ percipit solatia.

Opticis
adiumen-
tis & ad-
iuuatur
visus debi-
lis, & re
prudenter
curateque
instituta
etiam in
melius
mutatur.
Traditur
myopia
emendan-
di ratio
exemplo
probatam

XVIII.

Neque id solum in hac re admirabile est, quod huiusmodi vitris illi qui recensitis visus vitiis laborant, naturæ suæ defectus refarcire seu supplere queant, quamdiu illa visui admovent, sed, (quod longe adhuc præstantius) quod re prudenter tractata, visus sui hebetudinem ita queant corrigere, vt in posterum vitris non amplius indigeant. Quam in re pertractanda data hac occasione operam forsan omnem non perdidero si huius artificii rationem tradidero, exemplo confirmatam. Ante aliquot annos illustri quidam iuuenis in hac academia litteris operam nauabat, cui tam hebes visus, vt homines sex circiter passus a se distantes faciem dignoscere non valeret. De hac re cum sæ-

pius esset questus, vitra ipsi aliquot, qua fas erat cura, concinnabam, partim plano concaua, partim conuexo concaua, ex quibus illud eligeret quo admoto hebetudinem optime resarciri nimaduerneret. Erat hoc plano conuexum decem digitorum. Quo cum dimidium fere mensem esset vsus, gauisus mihi narrabat, se hunc persentiscere fructum adhibito vitro isthoc, vt quæ antea certo interuallo a se distantia obiecta, nisi vitrum adhibuisset, vix luscus perspexerit, nunc distinctius cognoscere iam incipiat. Iubebam illum mensem adhuc integrum pergere vsu huius vitri. interea vero temporis concinnabam aliud vitrum, quod obiecta aliquantisper maiora (22), quam prius illud, obferret. Quo cum rursus aliquot mensium interuallo illi præcepissem vt, atque optatos consilii effectus persentiscerem, proportionem geometricam eligebam metallum adhuc minus conuexum (23), & super eo formato ac polito nouo vitro, seposito antecedenti, hoc illum vt iubebam. cuius rei tam optati sequebantur successus, vt iam hominum visu optimæ notæ gaudentium fere in morem, obiecta oculis usurpare inciperet, nec nisi in rebus valde a se disitis ac parvis vitro opus haberet leuissime ex una parte concauo, ex altera plano.

XIX.

Concluditur inde,
non esse
dubium
quin
πρὸς βυ-
οψίς

Habes, lector, rationem tractandi myopes, exemplo, (euius etiamnum faustos successus mihi & laboranti isthac myopia gratulor), comprobata. Credo me nihil in illius administratione admisisse quod reprehensionem merito incurrat. Credo etiam te hoc ipso exemplar aliquod habiturum esse, ad quod curam

(22) Erat illud pari ratione ex vno latere planum, ex altero XII. digitorum conuexum.

(23) Nimirum quum a X digitis ad XII essem progressus, nunc eligebam XVI circiter digitos, quos excipiebat metallum (nostri vocant *Schleiff*, *Schüsseln* sive *Schalen*) duorum pedum, per quod parato vitro per vices deinceps vt consueuerat,

curam in illis componas qui difficulter aliquid legunt, nisi adhibeant vitrum litteris maiorem typum concilians. Qua in sententia non parum confirmor, dum lego historiam senis conspici-
 lorum ope ad illam visus emendationem perducti, vt minutif-
 simos typos expedite legere potuerit, ab exp. STEIGERTHA-
 LIO l. c. prolatam (24). Plane proinde existimo, si similis eli-
 gatur modus, post vitrum bonæ notæ adhibitum sensim minus
 conuexa adhibendo, futurum, vt multis admodum possi-
 mus mederi. Prasertim quum dubitem an methodice hic fe-
 nex conspiciiliis istis fuerit vsus.

XX.

Ad vltiorem vero adhuc matheſeos in medicina com-
 mendationem magnopere faciunt, quem honoris causa paullo
 ante nominauimus, STEIGERTHALII verba, dum, *quantum*,
 inquit, MALPIGHIUS, BELLINUS, DV VERNEY, *alique*
Anatomici microscopiorum usu Anatomia & Botanica studia perfec-
erint, eorum scripta & obseruationes satis superque testantur. Quis
præterea absque eorum ope acrimoniam aceti, & aquæ marinæ ad ocu-
lum antebac in suis salibus estendit? Quis ophthalmiam, erysipelas, ali-
 D 3 Opticis ac-
ceptam de-
bemus A-
natomica-
rum Bota-
nicarum
que minu-
tiarum
cognitio-
nem,
 arque

(24) En ipsa tibi verba, lector. In Medicina quoque ad dignoscendos &
 curandos oculorum affectus optica utilitas non raro elucet. Solo con-
 spiciolorum auxilio noui in quampluribus visum acui, & in quodam
 sene oculorum hebetudinem sola conuexorum vitrorum ope intra vi-
 ginti annos ita correctam obseruavi, vt quas antea non, nisi lente ar-
 matis oculis, dignoscere potuit, iam omnes litteras vel minutissimas, si
 necessitas exigat, absque ullis conspiciiliis distinguat. Certa enim
 luminis quantitas uti ad dignoscenda obiecta in iusta distantia ab ocu-
 lo requiritur, ita vnaquæque obiectorum approximatio & vicinia cer-
 tam etiam ipsius pupilla aperturam exposcit. In senescentibus autem
 motus spirituum languescit, & succus nerueus humorque oculorum
 aqueus atate densatur, ligamentum quoque ciliare sensim sensimque
 mucilagine obducitur, & hinc in crassiori fluido ultra citraque a lumi-
 nis remedio tam prompte gubernari nequit &c.

vt & mor-
borum in-
flammati-
onum in
partibus
externis
naturam,
cui prou-
idens cura-
tio super-
strui de-
bet.

asque inflammationes minutissimorum vasorum congeriem esse, ante con-
uexorum vitrorum usum cognouit & credidit? Nec in Praxi Medica
eiusmodi obseruationes sua carent utilitate. Ipsum enim temporis mo-
mentum in inflammationibus accuratior indigitat inspectio, quando re-
percutientia & quo tempore resoluentia sint adhibenda. Quamdiu
enim sanguis in minutissimis vasorum ramalibus, ægre licet, circumfer-
tur, facile ab ipsis adstringentibus in maiora vasa repelli poterit, & ita
constrictis fibris & oblitteratis venulis, inflammatio, si illi soli mederi li-
cet, sufflaminatur. Simulac autem idem extra vasa sua iam prorupit,
& hinc inde cruoris coagula visui sese obiciunt, ab iisdem remediis
oscula vasorum occluduntur, & quum sanguini humoribusque inter
membranas effusis ab adstringentibus denegetur recursus, iidem ita fi-
guntur, vt non, nisi resoluentibus, iterum possint discuti. Ab ipso etiam
cruore putrescente, circulatio sæpe, a tali obice iniecto, in partes peni-
tus cessat, dum a putrescentium humorum acrimonia fibræ neruæ & va-
scula corroduntur, & tandem gangræna subsequitur, quæ deinceps
adeo immaniter furit, & ita velociter progreditur, quia sanguis flu-
idus a putredine pariter inquinatur, vt vita partis ac humorum motus
simul tandem deficiant. Habes, lector beneuole, his verbis non
solum quantum iam debeat res medica optica, sed etiam per-
spicere poteris, quantum certitudinis vltius praxi clinicæ per
eamdem possit addi, si medici ex adhibitione lentium huius-
modi, historiam morborum inflammatoriorum in superficie cor-
poris, certis signis status inflammationis vel nascentis, vel ado-
lescentis, vel adultæ, velint augere, vnde postmodum in medi-
camentis pro re nata adhibendis, medici possent euadere cer-
tiores, feliciores, suasque operas longe commendabiliori ratio-
ne humano generi commodare.

quorum
omnium
vltior
cultura, si
medici ve-
lint ope-
ram adhi-
bere, spe-
randa, imo
certo pro-
mittenda.

XXI.

Mathema-
ticis arti-
bus de-
betur clarior

Pace tua, lector beneuole, physiologicæ considerationi ali-
quantisper adhuc inhæremus, nobilissimum, si a visu discedas,
sensum auditus, quæque cum illo sunt connexa excussuri. Ac
primo



primo quidem merito mathematicis debetur, quod in Physiologia vbi ad auditus explicationem est peruentum, nunc clariores apud animum ideas possimus concipere, qua ille ratione peragatur, quam quidem veteres. Quod cum primis egregie succedit, vbi doctrinam de phænomenis sonus, ex fundamento allisionis corporum ad se inuicem, eorumque reflexionis incidentiæ angulum æmulantis, ipsi adhibuerunt. Hac primo didicerunt, sonus, siue aeris commoti vim, reflexione mirum quantum augeri. præcipue si reflexionis eiusdem vices quam fieri potest creberrime repetantur, inque oppositum corpus, seu superficiem allidens, diu intra certum spatium contineatur. Intellegerunt inde, quis canalium in aure humana semicircularium, anfractuorumque in aure meatuum, sit vsus, nimirum, vt in angusto illo, quod auri destinatum erat, spatio, nihilotamen fecius aeris intus contenti sufficiens fieri possit commotio. Conf. post KIRCHERVM in *Phonurgia* passim, SCHELHAMMERVM, libro de auditu, Theor. XXII, Part. I. Hæc de auditu sono. Sed quod ad distinctam eius perceptionem adinet, nouam rursus amoenissimamque lucem hac in parte e doctrina musices eiusque phænomenis recepit physiologia. Videlicet cum hæc docuerit, eam esse corporum sonorum inter se cognitionem, certæ aeris motioni dubio procul tribuendam, vt corporum simili sono præditorum alterutro commoto, alterum simul ad edendum sonum adigatur (25), aut alium quemdam motum

cognitio
sensus
auditus,

quis vsus
partium
auris di-
uersarum,
canalium
semicircularium?
quis coch-
lea?

-
- (25) Hoc multis admodum exemplis naturæ scrutatores exploratum dederunt, v. g. si duorum instrumentorum musicorum, chordas æquales æqualiterque (seu, vt eundem, si ducantur, sonum edant,) tensas habentium, alterutrum tangas, vt ducta quædam chorda sonum edat; non solum animaduertas in altero instrumento eandem, seu ductæ chordæ similem, sonum edere; sed quod magis, contremiscere, licet nulla ratione fuerit tacta. Vitrum e filo suspensum, si ore humano non longe distante edatur tonus *όμοτονος*, seu similis

tum notabilem monstret, quomodo distincta fiat sonorum variorum per aures humanas perceptio, inde animo comprehendere didicerunt. Et cum animaduernerent, membranam subtilissimam, ab expansione rami mollis nerui auditorii, contextam, per illam auris internæ partem, quæ cochlea adpellatur, esse expansam, inde verosimillima rei suæ argumenta repetierunt. Hac si quidem membranæ per cochleam expansione fibrillæ aliæ longissimæ, aliæ brevissimæ fiunt, secundum diametrum per omnia cochleæ puncta diuersam. Igitur innumeras in illa quasi chor-
das possidemus, ob longitudinem & crassitiem ab inuicem diuersam, diuersis quoque aeris a rebus sonoris commotionibus proprias atque destinatas.

XXII.

Videamus iam, annon aliquam acustices, phonurgiæ ac musices, cognata studia, Praxi Medicæ vtilitatem adtulerint. Si in hanc rem *tubos stentoreos & acusticos* adferrem, forsitan me animo

lis tono vitri perculsi, versus os clamantis admouetur. (experimento, non a DANIELE BARTOLI solum descripto, sed, cum eius fides vacillare MORHOFIO videretur, ab ipso iterato, ac, quod veritati consentiat, deprehensio.) Vitra facile tinnientia, seu ad cyathi formam accedentia, *ὀμοτον* sono vocis humanæ edito, velut perculsa tinnire, quotidianum est experimentum, cuius veritatem eousque in apricum produxit omnique dubitationis alea exemit hominum sagacitas experiendique cupiditas, vt iam humanæ vocis sono vitra frangi posse nemo eruditorum, nisi scepticus, dubitet, (cum præsertim toto die adhuc liceat illud videre, & se, tunc temporis quum Angliam lustraret, abunde vidisse mihi narrarit celeb. HEISTERVS, posteaquam omnem rei rationem veritatemque historicam orbi erudito exposuit post fata quoque celeberrimus MORHOFIVS, in eruditissima *diff. epistolica*, quam *Stentora hyaloclasten. seu de scypho vitreo per certum humanæ vocis sonum fracto*, adpellauit. Quo loco satis multa huius, vt ita dicam, sympathias exempla lectu dignissima, nostramque thesin illustrantia, deprehendas.

mo plus dare quam veris vitæ humanæ in hac re adminiculis, *Exponitur de morbis per Muscen curandis.* diceres, lector. His proinde missum factis, ac ne illis quidem instrumentis, quæ aures artificiales adpellantur, curæ habitis, me ad Tarantismum, morbum, Italiæ accolæ illosque præsertim qui Apuliam tenent, haud raro infestantem, conuerto. Quam misere hic morbus illos habeat, qui Tarantulæ puncturam sunt experti, facile iudicabunt eius ignari, si notiozem illum in nostris terris, rabiem caninam seu Hydrophobiam ipsi multa similem esse indicauero. Huius morbi vt certissimum, ita vnicum fere, est remedium harmonia musica. Neque illa promiscue qualibet ratione institutâ, sed ad certos sonorum concentus adcommo- data, quum exemplis medicorumque obseruationibus constet, eos, qui aliquo concentuum genere ne moti quidem erant, post adhibitos certos sonorum modos, in tripudia statim saltusque, furentium in morem, fuisse concitatos (26). ita, vt postmodum pro diuersa specie Tarantulæ quæ punxerat, citharædi certa concentuum genera excitare in Italia iam fuerint edocti (27).

Neque

(26) BAGLIVVS *diff. de Tarantula Cap. XI. Historia*, de Taran- tata quadam, Citharædi, inquit, statim duo vel tria diuersa sonorum genera instituerunt, a quibus nihil prorsus adsiciebatur pa- tiens, audito tamen quarto, a reliquis diuerso, statim suspirare cepit, & se temperare nesciens a vehementissimis insultibus, quos musica intus excitabat, solutis omnibus verecundiæ limitibus, fere nuda prodiit e lecto, vehementissime saltare cepit, & ita per triduum consueto more continuando, ab omnibus symptomatis libera evasit.

(27) BAGLIVVS l. c. Vocati sunt citharædi, qui prope lectulum patientis stantes, interpellarunt eam a cuiusnam coloris vel magni- tudinis Tarantula demorsa esset? vt familiarem talis speciei Ta- rantulæ sonum inchoarent. KIRCHERVS in mundo magico, Hoc, ait, quod in Andria civitate, præsentis mirabantur, post- modum Tarenti ordinarium compererunt, vbi sanatorum, quia mu- sica sua hoc malum etiam, publicis magistratus stipendiis ad pau- perum remedium solatiumque conducti, curare consueuerunt, ad

Neque post puncturam solum musices huiusmodi adiumentum implorat ægrorum miseria, sed, cum illa sit huius morbi indoles, *ut* anno vertente recrudescat, quotannis eodem est indigentissima. Vide quæ de hac re tum passim apud observationum medicarum scriptores occurrunt, tum præsertim, qui bona fide & propria experientia de hac re litteris consignavit, perspicacissimum BAGLIVVM, *Dissertatione de anatome, morsu & effectibus Tarantulae*. Forsan non immerito a Medicis, data occasione adhiberetur opera, ut experiamur variis musices generibus tentatis, possitne Viti saltus, seu sic dicta Chorea sancti Viti, miserrimum morbi genus, musica ad celeriores sui decursus adigi, & qui illo laborant, citius sanitati reddi? Ceterum nullus dubito doctissimo MORHOFIO adsentiri, (quum de obiectorum aliorum, præter auditum, sensuum perfectione tentata dixisset) *cap. XVI, quid vetat, inquit, illa in reliquis sensibus, auditus præcipue, tentari, quatenus nimirum variam soni in corporibus efficaciam habent. Qua parte hætenus nobis inculta iacet diuinissima disciplina. Quis enim hodie in sonorum natura indaganda sollicitus est, quatenus illi vel morbos curant, vel affectus ciem? qua in re veteres scientissimos fuisse argumento sunt tot historiae ab auctoribus fide dignis notatae. Nos illa spernimus a simplicitate naturæ abhorrentes, dum illud quod in sonis ἐλκυστικόν est, mille coloribus, figuris, & similibus nugamentis frangimus. In sensibilem accurata cognitione magna latet magia. Adde his exempla passim c. l. ex historia depromta, hominum emotæ mentis, quos certa concentus genera ad miraculum restituerunt.*

XXIII.

Geographia ma-

Ex ratione ordinis antea proposita sequitur Hygieine (28),
in

curas patientum certius faciliusque accelerandas, primo ex infectis quærere solent, ubi, quo loco aut campo, & cuius coloris Tarantula, a qua morsus ipsis sit inflictus?

(28) Supponimus hoc loco tamquam indubitatum in saniori medicina, scientiam Diætetices *verè* in medicina existere, & si forte argumen-



in qua Matheseos vtilitatem vno alteroue exemplo declarabimus. thematicæ
vtilitas in
HYGI-
EINE
declaratur;
Ac præcipue quidem arridet Geographia mathematica, siue illa, quæ ex situ locorum nunc profundo nunc elato & certis ventorum generibus magis vel minus patente, ad morbos & sanitatem varium habitum definit. Quæ etiam ex varia solis vel remotione vel propinquitate, seu climate, quinam morbi locis diuersis familiares sint futuri, metitur, sanisque, qua sibi ratione ab illis optime cauere queant, suadet. Antiquissimis iam inde a temporibus medicos sagaces huius rei curam habuisse declarat exemplum *Coi* senis, non solum anni temporum mutationes (quorum cura mathematicis in acceptis ferenda) diligenter obseruare iubentis (29), sed etiam in libro *de aere, aquis & locis* prolixè demonstrantis, quantum ex bene obseruatis his situs locorum (30) momentis, medicus de aptitudine ad variè generis morbos producendos præſagire possit, & officii sui partem diæticam in humani generis commodum conuertere. Eleganti ratione hanc scientiæ mathematicæ in medicina vtilitatem

E 2

demon-

ta quædam aut sententiæ medicorum in contraria egerint beneuolam lectorem, illum rogatum volumus, vt partim æqua iudicii lance denuo expensis iis, quæ de Hygieine commentati sunt medici eruditi, iudicium interponant, partim, si tanti videatur, perlegat *Exercitationem nostram academicam* ante aliquot annos publici iuris factam, qua & dari diæticen, & illam ad neminem rectius quam medicos referri, demonstrare suscepimus.

- (29) *Sec. 3. aphor. 1. Αἱ μεταβολαὶ τῶν ὁρέων μαλίστα τικτὺσὶ τὰ νόσηματα, καὶ εἰ τῶν ὁρέσιν αἱ μεγάλαι μεταβολαὶ καὶ ψιγίος, καὶ θαλάσσιος, καὶ τὰ ἀλλὰ κατὰ λόγους ὄντως.*
de quibus omnibus in sequentibus partim ipse Hippocrates pluribus explicat, partim etiam GALENVS ad h. locum.
- (30) *Si quis ad urbem sibi ignotam peruenierit, is eius situs curam habere debet, vt cognoscat quomodo ad ventos aut solis exortum sit exposita, neque enim easdem vires habet quæ ad septemtrionem & quæ ad austrum sita est, vt neque ea quæ ad orientem solem aut occidentem spectat.* Sunt verba HIPPOCRATIS lib. de aere aquis & locis.

demonstrauit in *systemate Medicinæ rationalis*, HOFFMANNVS, illud Halensis academix fidus in magnum medicinæ commodum exortum.

XXIV.

Statica Medicina in dieteticis magni vsus est.

Præter hos matheſeos vsus in Hygieine, longe quoque commendabiliſſima eſt *Sanctorii Medicina ſtatica*, matheſeos beneficium, ita, vt huius ſollicitam habens rationem in officio diætetico optime ſeſe queat gerere. Legat mihi aliquis SANCTORIVM, per omnia illa ſic dictarum rerum non naturalium ſumma genera, puta aeris, cibi & potus, motus & quietis, & quæ ſunt reliqua, ſollicite oſtendentem quid in cuiuslibet vario vsu humano corpori accidat, quomodo nunc bene nunc male habens, cognitis cauſſis luculentiffimis, vel ſibi a nociuis corporisque ſtatum valde alterantibus temperare queat, vel ſi huiusmodi quidpiam ſit admiſſum, cita remedia inuenire. Harum tamen rerum multa ignoraremus, niſi Sanctoriana libra facem accendiſſet, cum notabilem non ſtatim inde incommodi ſenſum quidem habeamus, nihilotamen ſecius corpus noſtrum fuerit mutatum. Sic *Cucumeres comeſtos* magnopere tranſpirationem ſufflaminare ſtatica ſua inuenit *Sanctorius*, vnde, niſi adiuuetur illa, malignarum febrium ſemina iaciuntur certiffima. vid. *Aphorismum* 92. Porro ex potu (putat frigido) poſt cibum ſumtum, ſeu tempore chylicationis, maximopere tranſpirationem impediri idem compertum habuit *Aphorismo* 102, hinc alio loco, *Potus*, inquit, *inter prandium & cœnam nocet; ſed ſi tantumdem minus in cœna potamus, tollitur nocumentum.* Accedit, quod ex huiusmodi principiis innumera queamus phænomena, quæ circa ſtatum ſanorum quoque corporum quotidie contingunt, deſiderantibus explicare. v. g. vnde poſt cibum largiter ſumtum ſomnolentia? præcipue durior? Reſp. quod partim qualitas huiusmodi, partim omnis magna quantitas inſigniter ſufflaminet perſpirationem, experimento Sanctorii. Cuiusmodi ſana ac mechanica ratiocinia non poſſunt quin tam arti medicæ quam medicis

dicis ipsis maximo sint & honori apud homines prudentes & commendationi.

XXV.

Pathologia quantum *mathesi* debeat tametsi supra iam non nullis declarauimus exemplis, tamen cum hic locus ipsi ex instituti ratione seorsim debeat, de illa paucissimis nunc explicabimus. Diu est quod in medicorum scholis nihil frequentius fuit, quam nomen philosophiæ mechanicæ de morbis (31), quolibet suarum commentationum præstantiam amplissimis titulis crepante. Hinc alteri volupe corporis humani sanitatem corruptam ex alcalicarum acidarumque particularum ratione metiri, alteri

PATHO-
LOGIA
ex princi-
piis me-
chanicis
multum
accipit lu-
cis, modo
illa vere
mechanica
sint, ac non
ex ingenio
conficta.

E 3

(31) GACKENHOLZ *Progr. de principiis Mechanicis Physilogia adplicandis*, Enim vero, ait, quod serio doleo, eo fere deuentum est, ut modo quis natura phenomena ad particularum obtusos aut acutos angulos metiatur, egregie mechanice se philosophari putet. Qua quidem re cum nihil sit facilius, nil mirum si adeo *πολυπυλλητον* sit philosophia mechanice nomen in scholis, ubi omnia corpusculorum imperio subiiciuntur. Egregiam philosophandi rationem! ubi fingere licet, quod libet. Ut (ne exemplum desit) liquidorum fluorem explicent, placet his sphaerica figura, alii pro cylindrica tamquam pro aris & focus pugnant; iidem (mireris inconstantiam) mox ommissa hypothesi, ramosas volunt, quod aliis corporibus facile, interdum etiam tenaciter adhereant. At vero, ut vel unico exemplo utar, adplicet quis mihi hæc ad sanguinis phenomena explicanda. Eius motum (tam progressiuum, quam qui circa centrum est) globulorum exactæ rotunditati adscribunt, eidem ruborem acceptum referunt. (alibi licet splendidum candorem a tali figura promittant.) Interim mox comperies accersi nunc triangulares figuras, nunc quadrangulares aut polygonas quascumque demum voles, conformi, si diis placet, filtro renum, lienis, hepatis, glandularum separandas. Hæc quidem, si quosdam audimus, sine ulla prægressa intestina mutatione, si alios, fermentatione negotium facilitante. Ecce vobis aliam mechanicam, qua ex acuto fiat obtusum, ex quadrangulo triangulum, verbo, ex quouis quoduis. Cum hæc video, profecto totus Cartesii vorticibus, aut si quid istis intricatius, immergor, atque unde me expediam fere nescio.

alteri placebat trium elementorum materiæ vel turbatis vel sufflaminatis circulis eam determinare, nonnullis, quum microscopia varios in sanguine globulos monstrassent (32), egregium hoc videbatur inuentum ad formandas innumeras de morbis hypotheses, deque illorum causis differendi. & credas huiusmodi homines suorum corpusculorum, & exinde ortarum variarum reflexionum speculationibus, immerfos, omnem pathologiæ ambitum ita esse emensos, ut alto supercilio ridendi veniant medici practici toties de Pathologiæ difficultatibus innumeris conquerentes. Interea temporis phænomenis elateris, corpusculorumque diuersæ superficiæ, molis, ponderis, & figuræ, intenti, ex illisque morborum phænomena resolucentes, hominibus mathematicis ac physicis artibus, plane imbutis, haud raro quidem claras suggerunt ideas (33), in quibus alii tamen vix cæcutiant.

(32) *Frustra autem, inquit STEIGERTHALIVS, medicus suum maceraret ingenium, si quis in sanguinis globulis geometricè mensurandis & exactissime comparandis tempus inutiliter triuerit. Mihi enim, ut verum fatear, in uno eodemque sanguine diuersa sapissime magnitudinis globuli comparuere. Verum, statuamus in brutorum maiorumque animalium sanguine grandiores oberrare sphaerulas, in homine autem bene constituto minores reperiri, non tamen his ipsis vera sanguinis elementa sunt detecta, nec geometrica inter illas proportio aut iusta comparatio ad sanguinis cognitionem aut medelam multum facient. Vniuersa enim quæ per microscopium in sanguine conspicitur globulorum congeries, non nisi cruor est, qui in sero tamquam heterogeneo fluido, ut oleum aqua commixtum, figuram globulorum induit. Inutiliter ita sæpius ΤΟ ΔΙΟΤΙ primum inquiritur, quum ΤΟ ΟΤΙ adhuc ignoretur, & hinc eorum non nisi vana demonstratio, imo infelix tentamen erit, quando iis curam quis superstruxerit, quæ in rerum natura numquam extitere, aut saltem non nisi in idea & ingeniosa imaginatione reperiuntur.*

(33) *Huiusmodi sunt, quæ acutissime, ac pro illa qua totum de Mechanica Morborum librum conscripsit doctrina, ab Italo I. B. MAZINI, didicæ leguntur, Tom. 3, p. 77. Verum cum taliter dissoluta textura sanguis*

tiant. Quo postmodum ipsis nomine exosi atque obseuri, magis adhuc reprehensionem ac dicteria illorum incurrunt, dum demonstrare non possunt, quomodo v. g. peccante sanguinis elatere, dum is in quibusdam eius partibus iusto minor est, in aliis iusto maior, (vnde febres malignæ ortum ducere dicuntur,) medicamenta ex particulis nimis elasticis minus elastica faciant, vt sic æquabilis rursus fiat motus; aut quibus corpora v. g. octædra, romboidea, parallelepipeda, aut numero aut figura peccantia, in formam sanitati mage congruam possint mutari. Cum porro videant phænomena in oculos sensusque notabili ratione incurrentia, legesque machinæ illæ humani corporis Mechanico-Hydraulico-Pneumaticæ negligi, ac interdum illos per microscopium adparenter, quam per oculos vere, sapere malle. Accedit, quod eo ipso historia morborum quorumcumque tam generalis quam specialis ac specialissima, vt plurimum negligi soleat æque ac illorum tractandi ratio. Quid? quod in his rebus tantum non omnia a posteriori cognoscantur. Vt adeo prudentum virorum hoc semper fuerit iudicium, eum esse demum medicum perfectum, qui theoriam non amet sine historia

sanguinis corpora elastica & non elastica esse non possint inter se. opportune tangentia, ac mixta, corpora quidem elastica non satis, non apte mouere poterunt ac urgere corpora inertia seu non elastica, preinde corpora inertia nullo modo reagere possunt opportune contra corpora elastica, vt exigit naturalis & æquabilis actio, & reactio corporum inter se reciproce miscibilium; ob id ex omnimoda inaequalitate corporum inter se incidentium quocumque tempore semper inaequales ac dissimiles sient anguli incidentiæ cum angulis reflexionum eorundem, aut ex nimio inter se contactu corporum sient minimi aut nulli anguli incidentiæ & reflexionis. quapropter aut inaequales & dissimiles semper euenient corporum impactorum & retropulsorum velocitates, aut pane nulla. Proinde diuersa & semper dissimilia momenta, aut nulla, contingere necesse erit. inertia ergo corpora, aut non opportune, aut lente mota, & omnimoda inaequalitate percussa, nec cum elasticis apte mixta, retardare motum & lentescere coacta erunt.



ria, siue adcurata morborum inspectione, constructam, nec practicus esse velit sine adhibito sanæ rationis dictamine.

XXVI.

Ostenditur, quæ sit genuina de Morbis Mechanice philosophandi ratio, seu Pathologia mechanica vera,

Huiusmodi vero sanæ rationis dictamen adipiscimur, consideratione machinæ corporis humani mechanica. Exempli causa; In machinis hydraulicis perpetua lex est, *si machina plenior sit liquore quam commode capere possunt canales, eos vel rumpi, sicque machinæ detrimentum adiungi, vel emboli seu pressionis vim, aut refringi, (sicque postmodum segnius agitari liquorem,) aut pressionem prorsus sufflaminari.* Iam primo physiologia nouas post quemlibet pastum aut potum accessiones ad sanguinis quantitatem fieri docet. dein ex his accessionibus per transpirationem (tam qua veteribus notam, tam qua *Sanctorii* laboribus clarius ad oculum monstratam,) continuo in auras abire rursus assumptorum particulas, monstrat. post, his motibus corpus bene habere docet, ac eius continuus & non impeditis successibus, riteque ex tota sanguinis portione factis, ope circularis motus, secretionibus, vitam constare sanam declarat. Re autem contraria ratione comparata male habere corpus incipere. Hinc in huius rei signa, colorem partium, venarum turgescen-
tiam, rigoris membrorum ac sensus ad leuissimam quietem, quasi reptatorii aut formicantis &c. oculos animumque conuertit. Adfert postmodum causas, quæ huic statui ansam præbere poterant, seu antecedentia. victum lautum, adpetitum alimentum vegetum atque ingluuiem, otium ac vitæ genus corporis exercitiis destitutum, molle ac delicatulum, transpirationem derepente sufflaminatam, & quæ sunt huius generis. Confert etiam motus naturæ, propriis conatibus aliquam sanguinis portionem extrudentis, aut excutere molientis, & hinc denique format thesin, posse ex sanguinis, non corrupti solum, sed & sanissimi, abundantia, statum a sanitate diuersum, hoc est, morbos, in humani corporis machina produci. Quibus omnibus ita possis,



tis, ad modos adtendit varios, cum viribus & legibus ab optimo maximo conditore stupendi artificii machinæ additis, quibus se vel in libertatem vindicet, vel saltem vindicare conetur, quæque illud ratione nunc minus periculose ab eadem locisque tutis, nunc contrariis modis, suscipiatur. Hinc hæmorrhagiarum variarum, hinc febrium acutarum diuersa genera &c. cognoscere discit, & euadit in hominem, qui mechanice de morbis differit ac cogitat, inque verum *ιατρομαθηματικον*, qui nouit etiam solide explicare phænomena v. g. debilitatis ac languoris post morbos, &c.

XXVII.

Habes, si quid ego perspicio, lector, hoc exemplo, *The-
rapia* (de qua nunc agendi locus) fundamenta mathematica. Quid enim planius esse aut perspectu facilius potest? quam causis morborum hac methodo cognitis, vel reperire ægritudinis medicamina, vel reperta aut probare aut repudiare. Statim si quidem semet obferunt humorum huiusmodi peccantium euacuationes instituendæ. Hinc venam pertundendam iudicabit medicus, aut scarificandum esse, aut sudores mouendos. Inprimis autem leges motuum automaticorum semper adtendet, & si illæ innocuis viis ad eliminandum vtantur, illas prudenter circumspicteque adiuuabit &c. sin vero eius periculosa sint molimina (cum v. g. vt aliqua sanguinis parte se liberet, vel hæmoptysin excitat, vel vomitum cruentum) nunc sedantibus scienter rem conficere tentabit, nunc etiam, pro re nata, euacuantibus, ita tamen vt naturæ non plane amplius minister sit, sed Dominus (34).

Superstru-
itur huic
patholo-
giæ me-
chanicæ
MEDEN-
DI ME-
THO-
DVS RA-
TIONA-
LIS.

XXIX.

Quod autem ad *adminicula* futuræ *Therapiae* adtinet, e quibus Pharmacia & Chirurgiam nostræ considerationi hoc lo-

Transitur
ad PHAR-
MACIAM,

F

co,

(34) Conf. *ιατροταγ* HEISTERI dissertatio, superiori anno edita, de Medico naturæ Domino.

tum numero,
pondere &
mensura
omnia distribuen-
tem, tum in selectu
materiæ medicæ,
atque eius præpara-
tione, mathe-
seos ope indi-
gentem. Ad explo-
rationem Mat. Med.
Hydrosta-
ticen felici-
ter ad-
plicavit
Boileus.

co præfigimus, næ in illis tam rursus elucet matheſeos ſcientiæ
vtilitas, quam quæ maxime. Non dicam hoc loco de illis, quæ,
licet generaliora ſint, nihilo tamen ſecius mathematicæ debentur
facultati, numero, pondere & menſuris; (quibus nulla ſui
parte Pharmacia carere poteſt) ſed ſolum ſpeciatiim quædam
arithmetices in eamdem illuſtriora beneficia excutiam, exem-
plisque pro ſpatii ratione declarabo. Quorum duo adferemus
genera, quorum alterum, quantum in ſelectu Materiæ Medi-
cæ, (quam magnam partem matheſi eo debemus nomi-
ne, quod educſio illius e mineris mechanicis modis fiat) alte-
rum, quantum in præparatione eiſdem, Matheſis habeat vtilita-
tis, declaret. In priori genere illuſtria ſunt conamina BOILEI,
quibus pro illa, qua pollebat, & eruditionis & ingenii indefeſ-
ſique ſtudii excellentia, in ſolidiorem materiæ medicæ cogni-
tionem atque explorationem, Hydroſtaticam ipſi adplicare ſu-
ſcepit, aliſque adplicandæ viam aperuit, edito libro cui titu-
lum fecit *Medicina Hydroſtatica*. Demonſtravit eodem, quod Hy-
droſtatices principiorum facta ad materiæ medicæ indagatio-
nem, adplicatione, qualitates ſic dictorum ſimplicium, eo al-
tius poſſint inueſtigari. Vtque huius ſui inuenti uſum ampliſſi-
mis commendaret argumentis, ad examen non fluidorum ſo-
lum varii generis, ſed metallorum quoque, & ex iis parato-
rum (35), mineralium etiam, & partium lapidearum ex anima-
libus

-
- (35) v. c. cap 10. ſi artifex, ait, emturus ſit portionem Sublimati, unciam
ſumat aut ſemunciam Mercurii optime præparati, eamque diligenter
& caute in oleo terebinthina (putat hoc nomine ſpiritu terebin-
thina, qui primus effluit) ponderet, pondusque annotet. Seligat iam
unciam j, aut ſemunciam Sublimati probandi, illam ponderet, ut pri-
mam, in eodem liquore, ſi enim exemplari æquiponderet, bonum ſignum
eſt. ſi minus ponderet, patet, debitam ſublimato mercurii proportio-
nem non ineſſe, nimiamque ineſſe ſalium proportionem, unde ipſius le-
uitas aut minor grauitas procedit. Eadem examinandi ratione pote-
rit Argentum viuum, Mercurius dulcis, variaque alia corpora, penitus,
aut partem diſſolubilia in aqua, explorari,

libus desumtarum, adhibuit. Sic capite VI libri dicti monstrat, qui distingui possint genuini lapides, tam animales quam fossiles, a factitiis (36)? Nec, ut ex vegetabilibus etiam aliquid attingat, corallia solum examini subiecit, sed cap. XIII, hac, ait, *methodo*, ut superius dicebamus, substituto aqua communi oleo Terebinthinae, detegere possumus specificam liquorum gravitatem, qui ponderari nequeunt in aqua, quod cum ea misceantur. Atque reperire poterimus non tantum ponderositatis discrimen inter succos plantarum variarum, ut absinthii, rosarum, & quarundam subordinatarum specierum eiusdem generis, ut absinthii vulgaris, pontici, romani &c. rosarum rubrarum, candidarum, damascenarum, flavarum &c. sed observare interdum etiam poterimus, virum, & quousque succus servatus, magis aut minus fermentatus, immutaturus sit gravitatem specificam. Alia quoque sunt liquida apud Medicos in usu, nec ponderabilia in aqua, quæ hac arte expendi poterunt, ut mel, acetum &c. eademque arte detegi ac comparari. & quæ sunt alia plura huius commatis, hic adscriptu prolixiora.

XXIX.

Atque hæc est genuina illa explorandæ bonitatis simplicium Docetur methodus, & optandum esset, ut prudens aliquis vir, cui hanc methodum & tempus & assiduitas, & cum eruditione his in rebus sufficienti, sumtus, suppeterent, hoc sibi reliquum esse existimaret longe omnibus negotii, ut certa ad ductum BOILEI medicamentorum institueret præstare examina, & bona fide cum publico communicaret. Quale reliquis, quid, certe, si cum iudicio & selectu instituitur, uti inter præcipuas quaque commoditates publicas, ita inter cordatiorum medicorum ratione ac pharmacopoeorum desideria inprimis referendum foret. Futurum siquidem esset, ut uterque solida tam de indigenorum, quam aliunde aduectorum, simplicium, bonitate, interponere

F 2

possit

(36) Alio loco monstrat, qui gemmarum bonitas explorari possit? in usum compositionum variarum, v. g. confectionis de hyacintho &c,

eadem in
medicinæ
& publicæ
rei com-
moda vl-
terius pos-
sit excoli
& trans-
ferri.

possit iudicia. Imo & in compositis aliis, v. g. Tincturis maioris efficaciz (37), huius solius ope, quantæ sint illarum vires, & quomodo illarum doses pro fortiori aut leuiori tinctura aut extractione definiendæ sint, arithmetice adhibita, foret definiendum. sicque in compositis æque haberemus certas indubitatasque agendorum notas, (quæ veræ demum est medicinam ad certitudinem mathematicam euehendi methodi pars ac species) quam in simplicibus. Liberaremur certe hac ratione & methodo magis exulta, nugiuendulis ac ridiculis adulterationum perpetratarum examinibus, qualia magno numero passim apud illos reperias qui de sic dictis materialibus scripserunt, eosque præsertim, qui in his rebus non tam autopsia duce, quam ex aliorum libris, suos concinnauere commentarios.

XXX.

In Præparationibus Pharmaceuticis, moles ingredientium iustæ definiuntur ope *Arithmetices*, vt & quantum finis habituri Productorum. Monstratur hoc in medicamenti vno ingre-

Iam, vt alterum quoque *διασκεψος* nostræ caput attingamus, *Arithmetice* in præparatione simplicium cognitorum, inprimis vtilem esse monstrabimus. Opus ad hanc rem habemus, vt modo sciamus, quantum requiratur ingredientis pro paranda desiderata producti seu præparati quantitate. modo scire cupimus, quantum ex adhibita certa Ingredientis quantitate finis obtenturi præparati? Ponamus v. g. nos opus habere olei ovorum libris IV. quæri, quot vitellis ad hanc rem indigeamus? ita, vt nec minus IV libris proueniat, (adeoque cum temporis, laboris, & carbonum iactura processus sit iterandus) nec supersit aliquid quo non indigeas. Hic solius arithmetices ope rem feliciter expedies. Supponens siquidem experientiam, 270 vitellos largiri olei libram vnâ communem cum dimidia, subduces hinc rationes tuas, libr. i s; seu vnciz 24, poscunt 270 vitell. quantum poscent libræ IV. seu vnciz 64? & proueniet numerus vitellorum 720. Iam si innerfa ratione 180. vitell. v. g. impen-

(37) c. c. antimonii martiali, martis helleborata &c.

impendendos habeas, & scire cupias quantum inde tibi sit pro-
uenturum olei? arithmetices gnarus facile reperies vncias de-
cem tibi inde esse promanaturas.

diente
constanti-
bus, æque
ac

XXXI.

Hæc de illis quæ vno constant ingrediente. Adplicen-
tur iam arithmetica ad illa, quæ duobus constant. *V. c. Anti-*
monium diaphoreticum paratur ex parte vna antimonii, & parti-
bus tribus nitri. Quo processu ex vnciis 32. totius massæ, vn-
ciæ circiter XI. habebuntur, præparati. Vid. LEMERYI
Cours de Chemie Part. I, cap. 19 p. 325. Pone nunc, desidera-
ri antimonii diaphoretici libram vnâ communem, seu vncias
XVI. Hinc ingredientium pondus determinare poteris arithmeti-
ces ope; Antim. diaphoretici vnciæ XI, requirunt antimonii
crudi vncias VIII, quot requirent antimonii diaph. vnciæ XVI?
& videbis requiri antimonii crudi vncias XI. cum drachmis cir-
citer quinque. Simili ratione requirentur nitri vnciæ 35, siue tri-
plum, quibus inter se commissis, lege artis obtinebuntur anti-
monii diaphoretici vnciæ XVI. Q. E. E.

in medi-
camentis,
quæ ex
duobus, &
illis etiam

XXXII.

Si nunc vterius quoque ad illa medicamenta, quorum
parandi ratio, trium, quatuor, & plurimum ingredientium seu
constituentium diuersam proportionem, seu molem determina-
tam, requirit, progrediamur, etiam hic promptum experitur Che-
mia ac Pharmacia Arithmetices auxilium. De quare C. WOLF-
FIVS, *Elementorum Arithmetices* f. 285, schol. 10, Non desunt, in-
quit, alia exempla, quæ calculum eundem (puta regulæ sic dictæ
consortii seu Trium repetitæ,) requirunt. Vt, cum in Medicina,
aut artibus aliis, ex data ratione quam pondera miscibilium inter se ha-
bent, inueniuntur pondera miscibilium requisita, ut mixtum integrum
sit ponderis dati? e. g. Tria simplicia compositionem alicuius medi-
camenti ingrediuntur, dosis vnius est 4, alterius 5, tertii 2 vnciarum.
Inueniri autem debens doses singulorum requisita, ut pondus compo-
si-

quæ ex
tribus,
quatuor,
& pluri-
bus simpli-
cibus aut
speciebus
parantur.

si sit octo librarum &c. Vt ex hoc etiam genere ασυβολοι non discedamus, ponamus desiderari Pulveris Cornachini vncias 12, seu libram medicam vnam. qui secundum dispensatorium Brandenburgicum constat ex Antimonii diaph. vnc. iß. Crem. tartari vnc. ß/ Diagryd. sulphurati (38) vnc. ij. drachm. ij. Pone iam pro inueniendo pondere ingredientis primi; Vt pond. omnium vnc. IV & drachm. 2 = drachm. 34, ad pond. omn. datum, vnc. 12, = 96. drachm; sic Pond. Antimonii vnc. j. ß = drachm. 12, ad &c. Seu, P. omn. 34 drachmarum, requirit antimonii drachmas 12, quantum requireret pondus omnium vnciarum xii? & habebis priori hac operatione, antimonii $33 \frac{30}{34}$ drachm. = vnciis 4, cum drachmis fere 2, & pari ratione in reliquis pergendo, cremoris tartari drachmas $11 \frac{10}{34}$ = vnc. j. cum drachmis 3, granisque circiter 12, ac diagrydii sulphurati drachm. 50 $\frac{28}{34}$ = vnciis 6, cum drachmis duabus, scrupulis duobus & granis aliquot, quorum facta summa, habebis drachmas 96. ponderis omnium, = vnciis 12, in argumentum recte subductorum calculorum.

XXXIII.

Matheseos
in CHI-

Chirurgicum medicinæ fontem si nunc consideremus, illustrissima

- (38) Quemadmodum proportio miscendorum in compositione pulveris Cornachini non apud omnes vna eademque est, ita quoque non conuenit inter medicos, an sulphuratione scammonii bonitati medicamenti non detrahatur magis, quam adiugatur; vt videas WEDELIVM *Pharmacie in artis form. redactæ* p. 168, pulveri Cornachini magnas quidem laudes tribuere, nulla tamen ratione probare sulphurationem, quod optima sui virtute exuatur ac castretur idem hac operatione. Sed re bene expensa vtique sua non videtur hoc loco utilitate destitui sulphuratio, quum alkali fortissimum in scammonio residens, per sulphur refundatur ac dometur, sique nimia eius virulentia infringatur. Debeo hanc obseruationem sermonibus vener. Præceptoris mei, HEISTERI.

sima vtilitatis matheſeos argumenta denuo deprehendimus. Id-
 que, ſeu ſimplicem absque machinis, ſiue Inſtrumentis Chirur-
 gicis proprie dictis, operandi rationem ſpectes, ſeu, quod plu-
 ris eſt, machinas conſideres huiusmodi, in agrorum commo-
 dum excogitatas. Sapienter de hac re iam olim medicinae ra-
 tionalis parens, ad filium Theſſalum (39). Καὶ τοι, inquit, <sup>Hippocra-
ti iam per-
ſpecta,</sup>
 ἢ μὲν τῆς γεωμετρικῆς ἱστορίᾳ εὐσαπολυσχημος τε καὶ πολυ-
 εἰδής, καὶ πάν μετα ἀποδείξεος παραινομένη, εἴαι χηρὴσιμη
 πρὸς τε τὰς τῶν οἰσίων ῥεσεῖς, καὶ τὴν λοιπὴν τῶν μὲλων τὰ-
 ξιν. εἰς τὴν γὰρ τῆς πολυτροπικῆς εὐ ἐπιγινώσκον, ἐμβο-
 λὴ τέ ἀρθρῶν, καὶ τῆ τῶν οἰσίων τῶν συντριβιζμένων ἀνα-
 πρισεῖ, τε καὶ ἐκτρυπήσει, καὶ συνῆσει, καὶ τῇ λοιπῇ τραπείᾳ
 χρῆσθαι εἰδοῦτι, ὅποιον τε χωρίον ἐστὶ, καὶ το ἐκ τῆς ἐξορευμένου
 οἰσίου. Quæ vt antiqua, magni nominis, doctrinæ & ingenioſi demon-
 stratur
 tatis medici, auctōritate, noſtram confirmant ſententiam, ita hæc
 magis adhuc confirmabitur, ſi *Mechanices* hac in re vtilitatem
 exemplo
 exemplis demonſtremus. Ac primo quidem in luxationibus hu-
 meri ſola de vecte doctrina, *Mechanices* filia, vtilitatis eſt admi-
 rationis
 rabilis. Diu iam iſthæc luxatio, qua caput offis humeri infra
 os clauiculæ e loco ſuo luxatum erat, mire chirurgos exercue-
 rat,

(39) En tibi latina, lector, ſi deſideres: *Geometria ſiquidem cognitio
 quæ multiformis ac varia eſt, omniaque cum demonſtratione
 tranſigit, utilis erit ad offium ſitus & ad exarticulationes, & re-
 liquum membrorum ordinem. Nam ad multiplicem horum ad-
 ſeſtionem, & articularum luxationum reſiſtitionem, & offium con-
 tritorum reſeſtione, & perforatione & compoſitione & exemptio-
 ne, ac reliqua curatione, maiori induſtria vtetur quicquid no-
 rit qualis eſt locus, & quale eſt os quod ex eo eluxatum eſt.
 Vſus eſt hoc loco HIPPOCRATES voce Geometriæ, ſic, vt antiquis
 temporibus moris erat, cui noſtra ætate ſubſtituimus vocem Matheſeos,
 qua nos longe pauciora complectimur quam quidem veteres, æque ac
 Geometriæ vox longe arctior nobis eſt quam antiquis. Adde, ſi placet,
 quæ de his pluribus diximus ſupra, Th. 3, not. 12. p. 10.*

que Ma-
chinis re-
ponen-
dæ, & a
cel. HEI-
STERO

feliciter in
difficili ca-
su peractæ
repositio-
nis,

Adpli-
cantur
mechanice com-
moda ad
maxillæ
luxatio-
nes, sine
instru-
mentis
restituen-
das.

rat, ac licet extensio sufficiens facta fuisset, repositionem in lo-
cum suum tamen reddiderat difficillimam. Vbi autem per man-
tile, quod chirurgus, os post extensionem repositurus, parti
brachii subaxillari, & cervici propriæ, nodo circumdidit, brachi-
um pro vecte, & mantile pro hypomochlio habere cepit, res
faustos habuit successus. Totam encheiresin, nisi nota sit, lu-
culenter descriptam videas in *ιατρικατὰς* HEISTERI *Chirur-*
gia, Part. I. libr. 3. cap. 7. n. 4. Vidimus huius rei præclaros suc-
cessus ante hos octo circiter menses in equite levis armaturæ ro-
busto, in cuius osse humeri luxatq̃ reponendo integrum diem
frustra laborauerant chirurgi, de felici rei euentu desperare iam
incipientes. HEISTERVS igitur illorum precibus huic negotio
manus admouens, post factam rite extensionem, commemorata
hac encheiresi feliciter mox brachium loco suo reddebat. Quanto
autem facilior hæc repositio fuisset si hæc methodus statim esset
adhibita, facile perspicient qui in chirurgicis plumbei non sunt.
Pari modo is, qui in luxationibus maxillæ (siue illa ex vna par-
te, siue ex vtraque contigerit,) manuum ministerio vectis com-
moda adplicare nouerit, feliciter aget. Maxillæ siquidem os pro
vecte habebit, pollices bene exertos (si vtraque pars laboret)
faciet vtrinque hypomochlia, minores vero digiti & posterior
metacarpi pars ipsi erunt vires mouentes. Quibus si iu-
sto temporis momento nisum deorsum ac retrorsum versus ca-
uitates ossis temporum glenoideas scienter adiunget, voti sui
compos euadet.

XXXIII.

Transitur
ad mon-
strandam
Mechani-
ces vtilita-
tem in
Chirurgia,
dum per

Quod si nunc ad *Encheireses chirurgicas quæ instrumentis ex-*
pediuntur, seu machinis, perueniamus; vereor ne satis mi-
hi a prolixitate in dicendo possim temperare. Vix enim, ac ne
vix quidem, in his est aliquid, quod vel in se ipso fundamen-
torum mechanices ac hydraulices copiosissimum vsum non con-
tineat, vel, si adhibeatur, mechanica ratione non adhibeatur. Quot
forcipes, forfices, helices, trochleæ, cunei, quibus extendi-
mus,



mus, trahimus aut premimus pellimusue, (ne quid physicis li-
tis præbeamus) quibus separamus.prehendimus ac tenemus,
tot sunt vectes, cunei, plana inclinata, axes in peritrochlio.
Quæ cum inter se prudenter fuerint collata, inque vnam com-
pagem artificiose relata, dici vix potest quantæ ad humanæ for-
tis emendationem factæ fuerint accessiones. Qui de hac reple-
nius conuicti esse cupiunt, vel ipsa instrumenta intueantur cum
scientiæ mechanicæ adplicatione, vel illorum icones magno nu-
mero apud HILDANVM, FABRICIVM AB AQVAPENDEN-
TE, SCVLTTETVM, &c. prostantes, ita, vt sapius prudentem nu-
meri imminutionem quam multiplicationem exeoptes. Id quod
pro suo de Chirurgia & Praxi medica bene merendi studio,
nauiter perfecit, quem sapius honoris causa nominauimus,
HEISTERVS, dum in *Chirurgia* sua icones instrumentorum
exhibuit, omnibus chirurgicis encheiresibus exercendis suffi-
cientium. & si quæ his vltius adposuit, id non fecit qua ne-
cessaria sunt eadem, sed qua vsitata nonnullis, addita semper
epicrifi, simplicissimam operandi rationem esse optimam. Pru-
dens vero mechanicarum artium adplicatio quantum in instru-
mentis seu machinis compositis (si necessitas ita ferat) perfici-
endis, ad medicinæ commodum possit adferre, illud haud ita pri-
dem exemplo demonstrauit idem. Quum enim ex mechani-
cis principiis machinam luxationibus humeri obstinatis admo-
uendam concinnasset PETITVS, chirurgus Gallus, illiusque de-
scriptionem, (licet satis obscure) publico exhibuisset in libro cui
titulum fecerat *Traité sur les maladies des Os*, illam felici succes-
su emendare suscepit. Siquidem antea facilitandæ sufficienti
brachii extensioni fere solum apta machina, nunc simul hypo-
mochlii sub axillis admouendi vicibus fungitur, sicque pertina-
cissimis huiusmodi luxationibus feliciter medetur. Adde his
quæ cel. STEIGERTHALIVS l. c. narrat de repositione luxati
femoris a se Parisiis visa, ope machinæ paucarum rotularum,
cui vires hominum, licet fortissimorum, non suffecerant
antea.

hanc, ope
instru-
mentorum
& machi-
narum,
morbos
tollimus,
& in ope-
rationibus
chirurgi-
cis enchi-
reses varia
ratione fa-
cilitamus
atque ex-
pedimus.

Machina
PETITI
pro repo-
nendo ca-
pite ossis
humeri, ex
Mechani-
cis princi-
piis a cel.
HEISTE-
RO emen-
data.

XXXV.

Hydraulicis Hydraulicis artibus in Praxi Chirurgiæ omne illud debetur, quod siphonum ope peragitur. Sunt autem illa adprime tur siphonum am-
 plissimus in Chirurgia vsus, v. g. in curandis fistulis, multa ac præstantia. Horridum satis ac periculosum est fistularum nomen, adeoque in humani corporis miseriam tendit, vt a nulla eius fere parte, cui compactior textura, sibi temperet. Hospes autem in chirurgia sit oportet, qui nescit quanti hac in re sit, liquore morbi genio accommodato abditos fistularum seu canalium illorum meatus posse peruadere, & disertus esse possem, si his fere solis nobilissimarum humani corporis partium sanitatem in acceptis sæpe ferendam esse, explicare sustinerem. Vt taceam quantum siphones habeant vtilitatis in affectibus Anginæ, tam veræ quam spurix, & variis interni oris morbis. Pari ratione huc pertinet clysterum, (siue vesica siue siphone inii-
 ciantur,) mechanismus, quo non solum ad varias calamitates a genere humano auerruncandas opus habemus, (quo nomine notissimus est omnibus illorum vsus) sed etiam ad nutrienda sæpius ægrorum corpora indigemus. Etenim, cum partim inflammationibus partium deglutitioni destinatarum, partim vulnerationibus earum fiat, vt satis longo temporis interuallo nihil alimentorum in corpus demittere liceat, adeo, vt non morbo sed fame miseris foret pereundum, clysterum nutrientium iniectio fere vnicum suggerit in hoc genere adminiculum, hominum lethi faucibus eripiendorum. Quorum fundamentum cum non solum in selectioris praxeos experientia delitescat, sed ratio quoque partiumque structura illos sua dignetur adprobatione, quis magnas matthesi grates medicinam debere negabit? Denique siphonum huiusmodi vsus occasionem præbuit siphonibus suctioni adplicandis. Huius vero suctionis maxima est utilitas, tam in sanguine e thoracis ac abdominis vulneribus euocando, quam etiam, si hæ partes laborent pure, aut ichore, facta paracentesi iisdem eliciendis. Vnde nouis iterum argumentis, quanta sit thesæos nostræ veritas, sese manifestat. Icona huiusmodi siphonum videas in *Chirurgia* cel. HEISTERI tab. IV.

XXXVI.

XXXVI.

Satis nunc fortasse datum spatii arti Chirurgicæ, unde iam tertius petendorum remediorum fons, nimirum *Botanice*, foret excutiendus. Et essent omnino magna matheseos in hanc quoque medicinæ partem merita, si expenderemus, opticis artibus in acceptis esse ferendum quod nunc de generatione plantarum, de fœcundatione, deque vegetatione illarum tot resciamus minuta de quibus prisca sæcula, si acutiora quorundam ingenia excipias, forte ne per somnium quidem cogitarunt, quæ nunc post labores MALPIGHII, LEEWENHVCKII, plurimorumque aliorum, minima plantarum perscrutantium, rectissime habemus perspecta. Quorum bonam partem occasione dissertationis *de gyris conluoluuulorum* anno 1705. suo sub præsidio habitæ collecta videas a venerando Parente meo; quibus vero interea multa noua addiderunt VALLANTIVS in *dissert. de structura florum*, & PONTERA in *Anthologia*. Verum, cum hæc ad physicam specialem potius pertineant, neque Praxis Medicinæ hucusque notabilia ex iisdem ceperit incrementa; (licet forsan nepotum abnepotumque nostrorum sæcula harum operarum fructus sint expertura,) horum tractatione spatium reliquis præripere dubitauimus.

XXXVII.

Si hoc loco orationis filum abrumperemus, nemo forsan iure nos accusare posset, nos præcipuam illam, & quo omnis labores studii medici collineant, partem, *Therapiam*, reliquisse intactam. Dum enim supra de Physiologia egimus, aliquot exemplis vt Pathologiæ, sic Therapiæ, per Mathesin felicitatem declarauimus. idque tam chirurgicæ, quam quæ sine instrumentis manuumque ministerio, internis partibus laborantibus, peragitur. Ac chirurgicæ quidem exempla videas th. 10, 12, 33, 34, 35. sic diætæ vero internæ, thes. 11, 13, 15, 17, 18, 19, 20, 22, 26, 38, 39. Sed

BOTANICE
quoque
nonnulla
debet
Opticis.

Matheseos
in THE-
RAPIA
utilitas,
licet supra
iam ali-
quot
exemplis
sit demon-
strata, hic
tamen se-
orsim ali-

quot
exemplis
plana fiet.

cum hoc ibi locorum eo potissimum fine fecerimus, vt physiologiam, vt ita dicam, mathematicam, amplissimis semet vsibus ipsi praxi faciendæ commendare, vno velut conspectu doceremus; ita nunc seorsim nonnulla in medium adferemus, quæ quotidianam in faciendâ medicinâ matheſeos vtilitatem exemplis declarent. Prodiit anno huius sæculi octavo *Lugduni Batauorum dissertatio, qua in praxi felicitas Mechanicorum vindicatur*, auctore ABR. van BLEISWYK (40), ex qua multa admodum desumere, aut ad eius imitationem explicare, si luberet, liceret. haud secus ac BERNERI *doctissima Exercitatio physico medica de adplicatione mechanismi ad medicinam* innumera suggereret argumenta vtilitatis matheſeos in faciendâ medicinâ. Sed quum hæc apud ipsos auctores partim legi possint satis bene explicata, partim ob prolixitatem suam a spatio huic schediasmati destinato non capiantur; satius duximus horum lectionem lectori beneuolo relinquere, vno alteroque exemplo solum breuissimo in Therapia matheſeos vtilitatem declaraturi. Ac præcipue nobis reliquum videtur de eo dicere, quam quotidiani vsus sint apud medicos arithmetica. Iam ante nos de hac re ERASMVVS BLANCK supra citata *dissertatione, quomodo*, inquit, *absque arithmetices ope præscribere medicus medicamentorum poterit formulas, has & doses ingredientium variare pro ratione ætatis, vitæ generis, sexus, morbi ipsius?* Quæ

-
- (40) Ea ratione hoc factum, vt cap. I. demonstretur, Constantem in Praxi felicitatem non posse obtineri ignorata theoria, 2) theoriam ex principiis Mechanicis deductam solam esse, quæ fidem mereatur, 3) vt a posteriori ostendatur, praxin ratiocinio Mechanico ianixam solam esse certam & felicem, in morbis chronicis pro exemplo ex veterum scriptis sumitur Bilis atræ historia, pro inani veterum figmento a neotericis plurimis habitæ, ob ignoratam eius veram ætiologiam, quam rite explanare soli fere potuere mechanici, 4) a priori febris ardentis exemplo monstratur, ardentium causam proximam a Mechanicis detectam expositamque, exacte congruere cum omnibus effectibus, quos de iis recensuere veteres hæc dignissimi,

Quæ verba nobis amplissima de hac re commentationis materiam suggererent vberissimam, si singula specialius persequi sustineremus, tam, quam breuitati studere nunc nobis est propositum.

XXXVIII.

Atque vt leue videri posset in præscribendis formulis promptam quantitatum determinationem suscipere (41), certe arithmetica debemus, quod primo pro ratione ætatis doses medica-

G 3

men-

In propor-
tionandis
Ingredi-
entibus
iisque de-
finiendis
pro iusta
dosi, medi-

(41) Quod tamen leue vtique non est, dum in illis semper attendere oportet ad proportionem v. g. aquarum siue liquorum pulueres excipientium, imo & si essentie quædam aut liquores fortiores ingrediantur, vt ne singulæ doses plus habeant, aut minus quam prudens praxis definit. E. g. Si pro Mixtura diapnoica in febr. exanthematicis v. c. purpura rubra, expellendi scopo præscriberes; Rec. Aqu. Galeg. Scord. fl. Sambuc. Acac. a. unc. ij. Mixt. simpl. scrup. j. Antimon. diaph. Cinnab. nativ. a. scrup. ß. D. S. Mixtur, davon alle Stunden ein guter Löffel voll gerüttelt zu geben / certe & sine tuo frustrabere & ridebere a Præcticis. Sic. ven. Avus meus, GER STOER, dissertatione inaugurali de Erroribus in formulis medicis præscribendis committi solitis sect. 1. membr. 2. §. 2, Ratione ingredientium, inquit, saepe etiam defectus in necessariis in formulis medicis occurrit, quando quos vires medicamenti latent, ea pondere tam exiguo reliquis addunt, vt opera ab iisdem nulla queat expectari. Huius in exemplum inspiciatur sequens potiuncula, Rec. pulv. bezoart. or. gr. ß. Diascord. Fracass. scrup. ß. spir. vitrioli gutt. xij. Essent. citr. drachm. ß. sirup. acetos. citr. dr. ij. aqua e toto citro, cordial. stomachal. a dr. vj. M. S. Abendts Brandlein auf einmahl. In qua præter tantillum illud pulv. bez. or. gr. ß. Diascordii Fracassor. scr. ß. nullas quidem ægro feret suppetias. Itaque medicus oportet promptos semper possit ducere calculos, quantum in Mixturis v. c. quælibet dosis sit habitura roboris, sic in illa quam proposuimus, quælibet semuncia circiter aut dosis aquarum continebit Mixturæ simplicis guttam vnam, cum antimonii diaphor. & cinnab. nativ. a gr. ß. Multa huius rei exempla videas l. c. non ex ingenio a ven. Avo meo conficta, sed ex quotidianis erroribus a Medicinam facientibus commissis, annotata & collecta.

His conti-
 nuo opus
 habet fa-
 cultate
 arithmeti-
 ca, vt
 & pro
 dosibus ad
 ætates ho-
 minum
 diuerfas
 adcom-
 modandis.

mentorum in praxi facienda ad obseruationem mutationis hu-
 mani corporis, adcommodemus. Huic suas debent origines ta-
 bulæ illæ in practicatorum libris reperiundæ, quibus doses medi-
 camentorum spatiis paruorum ætatis interuallorum singulis ad-
 commodantur, quales videas apud ET TMVLLERVM, WE-
 DELIVM, EYSELIVM, FICKIVM & IVNCKERVM in *con-*
specu formularum, eo nomine corrigendam, quod nimis longa
 ætatum interualla faciat, eandem dosin homini XIV annorum
 commendans, quam illi qui XXI annos natus est.

XXXIX.

Definit a-
 rithmetice
 quoque
 doses me-
 dicamen-
 torum pro
 ratione
 tum robo-
 ris quo
 pollet æ-
 ger, &
 morbi
 magnitu-
 dine,
 pro diuer-
 sis medi-
 camenta
 nunc for-
 tius nunc
 secus pa-
 randi mo-
 dis.
 Pro ratio-
 ne medi-
 camento-

Sed, quemadmodum iudicium Practicum in hac re a me-
 dico suarum rerum satagere cupienti requirit, vt non ratione æ-
 tatis solum possit medicamentorum doses variare, sic minus fe-
 liciter & ex voto aget, si pro ratione roboris, quod medicinam re-
 quirenti inest, diuersi, magnitudinisque morbi, promte rursus
 possit rationes non subducere, cum vix in his adeo firmum re-
 tumque esse aliquid possit, quo minus novos semper calculos du-
 cere idque noua ratione habeat necessum. Neque promtitudi-
 nem supputandi, hæc quæ diximus, solum requirunt, sed etiam
 diuersi medicamenta parandi modi, quibus fit, vt nunc dosin
 intendere, nunc minuere habeat necessum prudenter acturus
 votorumque compos euasurus medicus. Adde, quod huius
 adeo necessitas se extendat ad conditiones pharmacopoliorum
 diuersas. Sunt enim alia eius generis, vt per dexteritatem do-
 mini, seu quod magna medicamentorum fiat dispensatio, bonæ
 notæ medicamenta semper contineant. Sunt vero in quibus per
 parcam dispensationem obsolescunt medicamenta, optima suæ
 virtutis parte vel in auras quod in volatilibus inprimis obtinet)
 abeunte, vel situ vappescente. Quæ singula nouorum calculo-
 rum præbent materiem, tantoque feliciorum reddunt medicum,
 quanto expeditius, singulis probe expensis, sese in his gerere cal-
 culis

culis addidit. Hac demum ratione sine suo non solum non
 frustrabitur votisque excidet in his exercitatus, sed se contra er-
 rores quoque eo certius munit, ne, (si inprimis negotiorum agro-
 rumque multitudo singulis non magna destinet temporis spatia,) Enarran-
 aliquid admittat committatue, quod cum agrorum discrimine pro-
 prioque contemptu, imo delicto, sit coniunctum. id quod vix ac ne-
 uix quidem caueri, nisi hac ratione, poterit, cum medicis, sele-
 ctissimis quoque vtentibus, quotidie sit negotium cum medica-
 minibus parua dosi magnas vires exferentibus, v. g. Scammo-
 niatis, Jalappinis, mercurialibus, opiatibus, &c. quorum com-
 posita bene nota ad amussim mente calculare hebet necessum,
 vt exacte casui præsenti dosin definire queat iustam. v. g. si
 sciat quantum opii totam aliquam compositionem ingrediatur,
 ex hoc promte supputet; proin, si scrupulum semis aut grana
 aliquot exhibeat, hoc ipso grani opii quartam dimidiamue par-
 tem &c. assumi. Hac enim in re experientiæ medicorum longo
 temporis interuallo stabilitæ, totidem firma sunt Therapiæ princi-
 pia, ex quorum cognitione non solum securus futurorum euen-
 tum medicus doses medicamentorum promte supputat, sed
 etiam inde commonescit, non esse præbendas aures plane faci-
 les dictis quibus toties rogantur, vt præscribant aliquid quo sen-
 tiant se vomere, aluum sudoresque sibi moueri, consuetissimis
 formulis, ich bin harter Natur / er gebe mir etwas das mich an-
 greift. Licet in his prudentia Practica rursus nonnullos caute-
 las suggerat, rusticosque quadratos secus tractet quam quidem
 alios homines. Promanant ex huiusmodi proportionum iusto
 computo nouæ adhuc cautelæ Practicæ, e. g. ne medicus me-
 dicamenta quorum compositionem drastica aut magna vi pol-
 lentia (in forma præsertim sicca) ingrediuntur, magna quanti-
 tate præscribat, in singulas deinceps doses dispeſcenda. fieri si-
 quidem potest vt vna dosi quidquid erat drastici toti massæ ad-
 iunctum, sola recipiat, (quod in resinosis inprimis vsu venire
 potest,) & hinc loco anodynî somniferum, loco laxantis, hy-
 perca-

rum nunc
 recentium
 nunc obso-
 letorum.
 Enarran-
 tur varia
 huius in-
 arithmeti-
 cis exerci-
 tationis
 commodæ,
 & incom-
 moda con-
 trarii.

Experien-
 tiæ medi-
 corum cir-
 ca medi-
 camento-
 rum facul-
 tates sunt
 totidem
 firma The-
 rapie
 principia.

percatharticum obtineamus medicamentum, loco emetici hyperemeticum ventriculumque erodens. Vbi de his commentor, subit animum cogitatio, credibile esse, diffusas huiusmodi compositiones, non raro imposuisse medicis, vt homines difficulter mouendos iudicent, qui reuera non sunt, & contra. Pone enim e. c. Petrum & Iohannem postulasse sibi exhiberi puluerem purgantem. Medicum vtrique æqualis roboris iudicato, exhibuisse specifici Ialapini grana XV, seu scrup. j. indeque æquales effectus expectasse. sed præter opinionem Petrus bis terue solum deiecit, Iohannes grauissime decies duodeciesue. Quid pronius, re ita se habente, iudicio isti, E. Petrus difficillime, Iohannes autem facillime mouetur. idem siquidem medicamentum, eandem dosin, sumfere. Quum tamen, si rem acu tangas, nihil facilius potuerit contingere, quam quod dosis a Iohanne adsumta plus continuerit resinæ Ialappæ, & Scammonii, Tartari vitriolati autem seu cremoris Tartari, & Pulueris Ialapini minus, contrarie autem Petri medicamentum fuerit comparatum. Quot autem errorum, bone Deus, ansa præbebitur hoc facto? si iterum indigente medicamenti Petro, ipsum ex præmissis fortiolem iudicatum, drastis tractet. & contra. Vt igitur pateat, quod in prudenti Praxi merito singulæ doses huiusmodi medicamentorum seorsim veniant elaborandæ, & certa ratione *ιατρικωτάτοι* HOFFMANNVM in *systemate Medicinæ rationalis*, emetica catharticaque medicamenta, inter venena iure retulerit.

XL.

Ostenditur, fere omnem melioris notæ praxin medi-

Si iam ad omnes medicinam faciendi modos atque methodos adtendamus, vix reperiemus aliquid in illis, quod, si prudenter fiat, mechanice non fiat. Posuimus iam supra aliquod huius rei exemplum, quod forsân iis, qui vltcrius meditari sustineant, sufficere posset in omnem totius rei explicationem.

nem. vid. th. 26. Lubettamen paucis hoc hoc loco generatim ^{cam esse}
omnem adtingere Therapiam, cuiusvis fere sectæ medicorum, si- ^{mechan-}
ue illa ad medelam fluidarum, siue solidarum humani corporis ^{cam,}
partium pertineat seu respiciat. Ac primo quidem, quod ad flui-
das adtinet, siue illæ nimia spissitudine laborent, siue nimis
sint resolutæ ac tenues, mechanicum est quidquid correctionis
intentione suscipitur. Si enim ægritudinis origo a spissitudine,
suscipitur adtenuatio, vel per diætam in potulentis vberiore largi-
gioremque, vel per aquas medicatas, vel per infusa aut decocta,
vel per alios liquores medicatos copiosius haustos. Si spissitu-
do isthæc euenerit a nimia humorum in corpore copia, quæ
sufficientem impediatur ventilationem, seu per canales motum;
detractione copię huius per venæsectiones, scarificationes, de-
ducitur cibus, motus & exercitationes instituuntur, arcetur
somnia & omne illud quod vberiore in corpore humano pos-
sit generare sanguinem &c. Si humores deficient, vt post san-
guinis nimios fluxus, restituntur iusculis, lacte, emulsionibus,
aliisque cito nutrientibus. Si nimis sint acres, dilutione iterum
per aquea, insipida, atque inuiscatione acredinis tentatur mede-
la. Si in resolutione nimia delitescat causa morbi, illa adhiben-
tury, quæ crassiores reddant humores. Si motus eorum sunt
auctiores nimisque vehementes, eos blande temperamus; si
nimis languidi, eos excitamus spirituosis, stimulantibus &c. ver-
bo, cognitis certis seu verosimillimis morborum causis, Metho-
dici euadimus, seu tales, qui sana sectæ Methodicæ veteris con-
silia (42), prudentibus ad morborum medelam modis adhibent.
Porro si in solidis humani corporis partibus aliquid præter natu-
ram esse obseruetur, fibris illa adhibentur, quæ, si nimia sit il-
larum tensio, eam emolliant, leniant, tollant; si nimia relaxa-
tio, easdem roborent, intendant. Id quod non internis solum
peragitur remediis, sed externe quoque emollientibus, hume-
ctan-

(42) De his vide elegantissimam celeb. apud Hannoveranos Medici,
WERLHOFII, fautoris mei honoratissimi *dissertationem inaugu-
ralem, de Secta Methodica veteris vitiiis & virtutibus, in hac acade-
mia habitam, Anno 1723.*

stantibusque, ut sunt balnea, fotus &c. si fibræ rigeant. sin autem eadem iusto remissiores sint, adstringentibus, spirituosiss, confortantibusque, imo in chirurgicis, ope fasciarum, ut in aneurismate, varicibus, hydrocephalo, herniis &c. In chirurgicis vero generatim consideratis clarius nostrum videtur assertum, quam quod illustratione amplius indigeat, ubi nihil fere agitur, quod non mathematice aut mechanice fiat. quemadmodum in sanguine vulnere cohibendo, ossibus fractis aut luxatis restituendis, cranio terebra perforando, calculo e vesica excidendo, aliisque operationibus chirurgicis quam manifestissimum est. Ceterum, si modum, quo ulterius perspicere liceat Therapiæ sanioris mechanismum, seu medicos mathematicantes, desideres, ut illa vel expendas rogamus, quæ supra diximus thesi, 26. lector benevole, seu ad exemplar præscriptum, annon id in pluribus valeat atque expediri possit, plura Therapiæ capita examines. ut adeo illi Medici, qui mechanica Medicinæ principia contemnunt, & Medicos ex his fundamentis ratiocinantes & sanantes aspernunt, ac subinde conuiciis insectantur, non aliter curent, quam secundum sanam methodum mathematicam.

XLI.

Possimus iam, si vellemus, pluribus adhuc exemplis planum facere, quanta sit Matheseos in Therapia utilitas. verum quum temporis spatiiqæ ratio sit habenda, satius forsitan hic colophonem operi addimus. Exhibuimus siquidem quæ sit in Medicina utilitas ARITHMETICES in Pharmacia, thesib. 30. 31, & 32, in Praxi clinica 38, 39. quæ MECHANICES, cuius Statica Medicina est suboles, in Anatomia thes. 7, in Physiologia, th. 13, 14, & 15, in Diæticis 24, Pathologicis & Praxi tam clinica quam chirurgica, thesib. 15, 24, 26, 27, 33, & 34. quæ HYDROSTATICES in Physiologia th. 16, in medicina forensi 16, in Pharmacia 28, & 29, quæ HYDRAVLICES, in Anatomia 7, Chirurgia & vulnerum renunciatione 12, & 35. quæ OPTICES in Anatomia 8, Physiologia 17, Praxi, 17, 18, 19, 20, Botanicis, 36. quæ ACVSTICES cum Musice & Phonurgia in Physiologia, 21, ac Praxi 22. quæ GEOGRAPHIÆ MATHEMATICÆ in Hygieine, th. 23. Quod si iam quærere cupiam lubeat, cur GEOMETRIÆ non fecerimus mentionem? in animum reuocet, velim, Geometriam cum Arithmetica velut duas columnas considerari, quibus omnis reliqua Mathesis innitatur. Adde pro ulteriore huius responsionis illustratione, si lubeat, quæ BLANCKIVS, aliquoties citata dissertatione verbosius de his explicauit, atque icones BORELLI, libro de Motu Animalium variis in locis Geometricis figuris actiones humani corporis explicantes, sicque eius necessitatem, si quis illam non ex se ipso per ingenii hebetudinem perspicere valeat, ad oculum, hoc est clarissime, demonstrantem,



